

文庫 11
D 263
1

後漢書序

漢自明帝來詔班固諸公
作世祖本紀及建武永初
得靖洙偕赴崇文院讐厥
譌以垂久美至晉散騎常



侍薛瑩始著後漢記又秦
始中秘書祠部郎驤起司
馬與華與謝袁誠制作之
選也自宋范詹事蔚宗出
益集諸家作十紀列傳叙
諸竒摘諸隱揚諸幽推諸
芳或鮮其事行則九原可
作或褒其微晦則千秋若
生肖鬚眉繪神情揭肝膽
繡語按真綺言披曲質句

後漢書
樸字穀而不詭爲定評又不揉屈求伸不矧榮飾辱不媚私駕公不溢美溢惡短賢長不肖爲信筆是故分晉史之葩翼東觀之艷精奪衆藻而才潤古先洵矣光武以來良史必蔚宗也其自叙云余旣造後漢書轉得統緒詳觀古今著述殆少可意者孟堅最有

高名亦任情無例博瞻可
不及整理未必愧也以是
自詡蓋由其意鏡而旨復
精理淵而詞能變不走奇
不衍奧則文興中鬱不劓
獲一家語不獨闢一代書
不賞音千載上下則文思
終格格不大快遙思琵琶
導諷文帝之清歌未免有
情他日者何門戶雖寂文

名不湮有如蔚宗者幾人
予近假

講幄之暇細讀是編知蔚
宗每語人曰曄年三十而
學爲心化爲奇作爲體大
而思精俱實實語故信之
晉而劉昭嗣其成再信之
唐而章懷誼其盛即今日
信之予而於補若注外欲
另翻蔚宗之彩別抽蔚宗

之精大振蔚宗之響倘亦
字句有髓予不靳丹鉛則
髓將不涸抑語言有味予
更效評賞則味將自永况
宇宙奇文神必呵鬼必護
山川必相噓蔚宗之霸金
玉不足喻其堅也茅鹿門
序史抄云班掾不如腐遷
西京絕調惟子長予今知
東京絕調亦惟蔚宗評餘

題數語弁其首以附為曠古真知己

天啓丙寅秋季史官陳仁

錫謨

李忠



後漢書序

孟堅氏之紀西漢也蔚宗

病其任情其自作東漢則

日無愧良史深哉其有意

乎士君子負提衡千古之

後漢書
思奮顛倒一世之議賞及
而幽隱增芳罰行而烜赫
失勢例最嚴也倘中懷願
忌蛇足首鼠則氣不能以
達識意不堪以賁文飾猥
而衣貌敖於孟嘒嚅吞吐
疑假疑真卽風流淹雅夙
擅一時又何取焉雖然在
朝言朝勢有不得曹毀曹
譽旣眩於前或罪或知復


牽于後欲一旦改羨新劇
秦之陋成董狐良史之書
此實難耳蔚宗去漢餘二
百年代更世遠故其綜覈
也詳識歸也定無尊親諱
忌以繫其腸無習俗怨思
以紛其慮而又托之于傀
儡之胷假之以縱放之筆
推今商古彙散成全訂本
紀之訛益東觀之缺薛華

後漢書
袁謝其晤一堂磊磊落落
自足勒千秋而煌金石史
通所稱簡而明疎而不漏
誠無所忝卽劉昭章懷緝
續註詮羽翼不少至其更
班馬之例卬一代之編如
進諸后于帝紀增百官于
書志叙次案斷隻字難移
也又况今日餒學侏儒識
同窺井力怯負山乃欲襲

晁陳之見作佻譎之觀敢
乎抑語有之鑿形者於水
鑿事者于書建武而後建
安以前閱世幾何其間律
曆星文之異圖與置建之
詳文章節義之風循酷廉
貪之致雲臺衆將之何以
成汝穎諸賢之何以僨披
文送志功過了然陳太史
于石渠天祿之暇縱讀異

書獨此不忍釋手至批釋
再三公諸同好其亦有軼
蕩子雲而欲以東京故案
成一代良史乎追且以蔚
宗之知知太史矣

天啓丁卯季春望日樵李
後學錢汝追題



後漢書序

景祐元年九月祕書丞余靖上言國子監所印兩漢書文字舛謬恐誤後學臣謹參括衆本旁據他書列而辯之望行刊正詔送翰林學士張觀等詳定聞奏又命國子監直講王洙與靖偕赴崇文院讎對謹按後漢明帝詔班固陳宗尹敏孟冀作世祖本紀及建武時功臣列傳後有劉珍李充雜作建武已後至永初間紀傳又命伏無忌黃景作諸王王子恩澤侯并單于西羌地理志又邊韶崔寔朱穆曹壽作皇后外

成傳百官表及順帝功臣傳成一百一十四篇號曰漢紀嘉平中馬日磾蔡邕揚劇盧植續爲東觀漢記吳武陵太守謝承作漢書一百三十卷晉散騎常侍薛瑩作後漢記一百卷恭始中祕書丞司馬彪始取衆說首先武至孝獻作續漢書又散騎常侍華嶠刪定東觀記爲漢後書九十七篇祠部郎謝沈作後漢書一百二十二卷祕書監袁山松作一百卷至宋宣城太守范曄益集諸家作十紀十志八十列傳凡有編十志未成曄被誅至梁世有刻令劉昭者補成之

唐章懷太子賢招集當時學者右庶子張太安洗馬劉訥言洛州司戶叅軍韋希立學士許叔牙成玄一史藏諸周寶寧等同註范曄後漢書儀鳳初上之詔付祕書省傳之至今靖洙悉取館閣諸本參校二年九月校畢凡增五百一十二字損一百四十三字改正四百一十一字

後漢書注補志序

臣昭曰昔司馬遷作史記爰建八書班固因廣是曰
十志天人經緯帝政絃維區分源奧開廓著述創藏
山之祕寶肇刊石之遐貫誠有繁於春秋亦自敏於
改作至乎永平執簡東觀紀傳雖顯書志未聞推檢
舊記先有地理張衡欲存炳發未有成功靈憲精遠
天文已煥自蔡邕大弘鳴條寔多紹宣協妙元卓律
曆以詳承洽伯始禮儀克舉郊廟社稷祭祀該明輪
駢冠章車服贍列於是應謀繼其業董巴襲其執司

馬續書總爲八志律曆之篇仍乎洪範所構車服之本即依董蔡所立儀祀得於往制百官就乎故簿並籍據前脩以濟一家者也王教之要國典之源粲然略備可得而知矣既按繼班書通其流貫體裁淵深雖難踰等序致膚約有傷懸越後之名史弗能罷意叔駿之書是謂十典矜緩殺青竟亦不成二子平業俱稱麗富華轍亂亾典則借泯雅言邃義於是但絕沈松因循尤解功創時改見句非更搜求加藝文以矯前棄流書品採自近錄初平永嘉圖籍焚喪塵消煙滅焉識者恨借南晉之新虛爲東漢之故實是以學者亦無取焉范曄後漢良史誠跨衆氏序或未周志遂全闕國史鴻曠須寄勤閑天才富博猶俟改具若草昧厥始無相憑據窮其身世少能已畢遷有承者之言固深資父之力太初以前班用馬史十志所困寔多往制升入校部出二十載續志昭表以助其間成父述者夫何易哉况曄思雜風塵心撓成毀弗克員就豈以茲乎尖辭潤婉瞻可得起改覈求見事必應爲襲故序例所論備精與奪及語八志頗褒其

羨雖出板前羣歸相沿也又尋本書當作禮樂志其
天文五行百官車服爲名則同此外諸篇不著紀傳
律曆郡國必依往式擘遺書自序應徧作諸志前漢
有者悉欲備製卷中發論以正得失書雖未明其大
旨也會臺雲構所缺過乎榱桷爲山霞高不終踰乎
一壘鬱絕斯作吁可痛哉徒懷纘緝理慙鉤遠廼借
舊志注以補之狹見寡陋匪同博遠及其所值微得
論列分爲三十卷以合范史求於齊工孰曰文類比
茲闕恨庶賢乎已昔褚先生補子長之削少馬氏接
孟堅之不畢相成之義古有之矣引彼先志又何猜
焉而歲代逾邈立言湮散義存廣求一隅未覲兼鍾
律之妙素揖校讎參曆筭之微有慙證辨星候祕阻
圖緯藏嚴是須甄明每用疑略時或有見頗邀傍遇
非覽正部事乖詳密今令行禁止此書外絕其有疏
漏諒不足誦

范詹事自敘略

吾少懶學問年三十許始有尚耳自爾以來轉爲心
化至於所通處皆自得之曾懷常謂情志所託故當
以意爲主以文傳意以意爲主則其旨必見以文傳
意則其辭不流然後抽其芬芳振其金石耳觀古今
文人多不全了此處年少中謝莊最有其分手筆差
易於文不拘韻故也吾思乃無定方但多公家之言
少於事外遠致以此爲恨亦由無意於文名故也本
未開史書政恒覺其不可解耳旣造後漢轉得統緒

詳觀古今著述及評論殆少可意者班氏最有高名
既任情無例唯志可推耳博瞻可不及之整理未必
愧也吾雜傳論皆有精意深旨至於循吏以下及六
夷諸序論筆勢縱放實天下之奇作其中合者往往
不減過秦篇嘗共比方班氏所作非但不愧之而已
欲徧作諸志前漢可有者悉令備雖事不必多且使
見文得盡又欲因事就卷內發論以正一代得失意
復不果贊自是吾文傑思殆無一字空設奇變不窮
同合異體乃自不知所以稱之此書行故應有賞音
者紀傳例爲舉其大略耳諸細意甚多自古體大而
思精未有此也恐世人不能盡之多貴古賤今所以
稱情狂言耳吾於音樂聽功不及自揮但所精非雅
聲爲可恨然至於一絕處亦復何異邪其中體趣言
所不能盡絃外之意虛響之音不知所從而來亦嘗
以授人士庶中未有一毫似者此永不傳矣吾書雖
小小有意筆勢不快餘竟不成就每愧此名

苞按南史曄字蔚宗順陽人也祖甯豫章太守父
泰累官侍中左光祿大夫國子祭酒加位特進前

後表諫多所勸誠博覽篇籍好爲文章撰古今善言二十四卷及文集傳於世曄其第四子繼從伯弘之後襲封武興縣五等侯少好學能隸書曉音律爲祕書丞父憂去職服闋爲征南大將軍檀道濟司馬領新蔡太守後爲尚書吏部郎元嘉元年彭城太妃薨將葬祖夕僚故並集東府曄與司徒左西屬王深及弟司徒祭酒廣夜中酣飲開牖聽挽歌爲樂彭城王義康大怒左遷宣城太守不得志乃刪衆家後漢書爲一代之作至於屈伸榮

辱之際未嘗不致意焉遷長沙王義欣鎮軍長史累遷左衛將軍太子詹事曄長不滿七尺肥黑禿眉鬚善彈琵琶文帝欲聞之屢諷以微旨曄僞若不曉終不肯爲上嘗宴飲歡適謂曄曰我欲歌卿可彈曄乃奉旨上歌既畢曄亦止弦後與甥謝綜魯國孔熙先謀逆事覺收繫廷尉上有白團扇甚佳送曄令書出詩賦美句曄受旨援筆而書曰去白日之炤炤襲長夜之悠悠上循覽悽然曄在獄又書前序以與諸生姪史稱其所序皆實故存之

後漢書 卷八
卒與其子藹及綜等皆被誅時年四十八藹子魯
連吳興昭公主外孫得遠徙曄性精微觸類多善
衣裳器服莫不增損制度世人皆法學之少時兄
晏常云此兒進利終破門戶果如其言餘詳本傳
中文多不具載

梁剡令劉昭傳

劉昭字宣卿平原高唐人晉太尉寔九世孫也祖伯
龍居父憂以孝聞宋武帝勅皇太子諸王並往弔慰
官至少府卿父彪齊征虜晉安王記室昭幼清警通
老莊義及長勤學善屬文外兄江淹早相稱賞梁天
監中累遷中軍臨川王記室初昭伯父彤集衆家晉
書注于寶晉紀爲四十卷至昭集後漢同異以注范
曄後漢世稱博悉卒于剡令集注後漢一百八十卷
幼童傳一卷文集十卷子緡字言明亦好學通三禮

後漢書 卷九
位尚書祠部郎著先聖本記十卷行于世

唐章懷太子傳

章懷太子賢字明允容止端重少爲帝愛甫數歲讀書一覽輒不忘至論語賢易色一再誦之帝問故對曰性實愛此帝語李世勣稱其夙敏始王潞歷幽州都督雍州牧徙王沛累進揚州大都督右衛大將軍更名德徙王雍仍領雍州牧涼州大都督實封千戶上元年復名賢是時皇太子薨其六月立賢爲皇太子俄詔監國賢於處決尤明審朝廷稱焉帝手勅褒賜賢又詔集諸儒左庶子張大安洗馬劉訥言洛

州司戶參軍格希玄學士許叔牙成玄一史藏諸周
寶寧等共注范曄後漢書書奏帝優賜段物數萬時
正諫大夫明崇儼以左道爲武后所信崇儼言英王
類太宗而相王貴賢聞惡之宮人或傳賢乃后姊韓
國夫人所生賢益疑而后撰少陽政範孝子傳賜賢
數以書讓勒愈不安調露中天子在東都崇儼爲盜
所殺后疑出賢謀遣人發太子陰事詔薛元超裴炎
高智周雜治之獲甲數百首於東宮帝素愛賢薄其
罪后曰賢懷逆大義滅親不可赦乃廢爲庶人焚甲

天津橋貶大安普州刺史流訥言於振州坐徙者十
餘人開耀元年徙賢巴州武后得政詔左金吾將軍
丘神勣檢衛賢第迫令自殺年三十四后舉哀顯福
門貶神勣疊州刺史追復舊王神龍初贈司徒遣使
迎喪陪葬乾陵睿宗立追贈皇太子及謚三子光順
守禮守義光順爲樂安王徙義豐被誅守義爲犍爲
王徙封桂陽薨先天中追封光順莒王守義畢王
苞按賢與太子弘皆武后生后殺弘而立賢賢日
懷憂惕知不能保全乃作黃臺瓜辭命樂工歌之

後漢書
其辭曰種瓜黃臺下瓜熟子離離一摘使瓜好再
摘令瓜稀三摘尚自可摘絕抱蔓歸冀后聞而感
悟而卒不免後中宗即位子守禮始得嗣王附錄
此以爲千古一慨

後漢書目錄

宋 順陽

范曄

曄

撰

唐章懷太子李賢

註

明 浙汜 陳祖苞 訂

帝后紀

第一卷上

光武上

秀

第一卷下

光武下

第二卷

明帝 莊

第三卷

章帝 烜

第四卷

和帝 肇

殤帝 隆

第五卷

安帝 祐

第六卷

順帝 保

冲帝 炳

質帝 纘

第七卷

桓帝 志

第八卷

靈帝 宏

第九卷

獻帝 協

第十卷上

光武郭皇后

光烈陰皇后

明德馬皇后

章德竇皇后

和帝陰皇后

和熹鄧皇后

第十卷下

安思閻皇后

順烈梁皇后

孝崇匱皇后

桓帝懿獻梁皇后

桓帝鄧皇后

桓思竇皇后

孝仁董皇后

孝靈宋皇后

靈思何皇后

獻帝伏皇后

獻穆曹皇后

志

第十一卷 律曆上

律準

候氣

第十二卷 律曆中

賈逵論曆

永光論曆

延光論曆

漢安論曆

熹平論曆

論月蝕

第十三卷

律曆下

曆法

第十四卷

禮儀上

合朔

立春

五供

上陵

冠

夕牲

耕

高禘

養老

先蠶

祓禊

第十五卷

禮儀中

立夏

請雨

拜皇太子

拜王公

桃印

黃郊

立秋

驅劉

案戶

祠星

立冬

冬至

臘

大儺

土牛

遣衛士

朝會

第十六卷

禮儀下

大喪

第十七卷

祭祀上

光武即位告天

郊

封禪

第十八卷

祭祀中

北郊

明堂

辟雍

靈臺

迎氣

增祀

六宗

老子

第十九卷

祭祀下

宗廟

社稷

靈星

先農

迎春

第二十卷

天文上

王莽三

光武十二

第二十一卷

天文中

明十一

章五

和三十三

殤一

安四十六

順二十三

質三

第二十二卷

天文下

桓三十八

靈二十

獻九

隕石

第二十三卷

五行一

貌不恭

淫雨

服妖

雞禍

青青

屋自壞

訛言

旱

謠

狼食人

第二十四卷

五行二

災火

草妖

羽蟲孽

羊禍

第二十五卷

五行三

大水

水變色

大寒

電

冬雷

山鳴

魚孽

蝗

第二十六卷

五行四

地震

山崩

地陷

大風拔樹

螟

牛疫

第二十七卷

五行五

射妖

龍蛇孽

馬禍

人疴

人化

死復生

疫

投蜺

第二十八卷

五行六

日蝕

日抱

日赤無光

日黃珥

日中黑

虹貫日

月蝕非其月

第二十九卷

郡國一

河南

河內

河東

弘農

京兆

馮翊

扶風

右司隸

第三十卷

郡國二

潁川

汝南

梁國

沛國

陳國

魯國

右豫州

魏郡

鉅鹿

常山

中山

安平

河間

清河

趙國

勃海

右冀州

第三十一卷

郡國三

陳留

東郡

東平

任城

泰山

濟北

山陽

濟陰

右兗州

東海

琅邪

彭城

廣陵

下邳

右徐州

第三十二卷

郡國四

濟南

平原

樂安

北海

東萊

齊國

右青州

南陽

南郡

江夏

零陵

桂陽

武陵

長沙

右荊州

九江

丹陽

廬江

會稽

吳郡

豫章

右揚州

第三十三卷

郡國五

漢中

巴郡

廣漢

蜀郡

犍為

犍為

越雋

益州

永昌

廣漢屬國

蜀郡屬國

犍為屬國

右益州

隴西

漢陽

武都

金城

安定

北地

武威

張掖

酒泉

敦煌

張掖屬國

張掖居延屬國

右涼州

上黨

太原

上郡

西河

五原

雲中

定襄

鴈門

朔方

右并州

涿郡

廣陽

代郡

上谷

漁陽

右北平

遼西

遼東

玄菟

樂浪

遼東屬國

右幽州

南海

蒼梧

鬱林

合浦

交趾

九真

日南

右交州

第三十四卷

百官一

太傅

太尉

司徒

司空

將軍

第三十五卷

百官二

太常

光祿勳

衛尉

太僕

廷尉

大鴻臚

第三十六卷

百官三

宗正

大司農

少府

第三十七卷

百官四

執金吾

太子太傅

大長秋

太子少傅

將作大匠

城門校尉

北軍中候

司隸校尉

第三十八卷 百官五

州郡

縣鄉

亭里

匈奴中郎將

烏桓校尉

護羌校尉

王國

宋衛國

列侯

關內侯

四夷國

百官奉

第三十九卷 輿服上

玉輅

乘輿

金根

安車

立車

耕車

戎車

獵車

駟車

青蓋車

綠車

皂蓋車

夫人安車

大駕

法駕

小駕

輕車

大使車

小使車

載車

導從車

車馬飾

第四十卷 輿服下

冕冠

長冠

委貌冠

皮弁冠

爵弁冠

通天冠

遠遊冠

高山冠

進賢冠

法冠

武冠

建華冠

方山冠

巧士冠

却非冠

却敵冠

樊噲冠

術氏冠

鶡冠

幘

佩

刀

印

黃赤綬

赤綬

綠綬

紫綬

青綬

黑綬

黃綬

青緝綸

后夫人服

列傳

第四十一卷

劉玄

劉盆子

第四十二卷

王昌

劉永

張步

李憲

彭寵

盧芳

第四十三卷

隗囂

公孫述

第四十四卷

宗室四王三侯

齊武王

續子北海靜王興

趙孝王

良

城陽恭王

祉

泗水王

歙

安成孝侯

賜

成武孝侯

順

順陽懷侯

嘉

第四十五卷

李通

王常

鄧晨

來歙

曾孫歷

第四十六卷

鄧禹

子訓
孫騭

寇恂

曾孫榮

第四十七卷

馮異

岑彭

賈復

第四十八卷

吳漢

陳俊

蓋延

臧宮

第四十九卷

耿弇

弟國
國弟子恭

國子秉

秉弟夔

第五十卷

姚期

王霸

祭遵

從弟彤

第五十一卷

任光

子隗

李忠

萬脩

邳彤

劉植

耿純

第五十二卷

朱祐

景丹

王梁

杜茂

馬成

劉隆

傅俊

堅鐔

馬武

第五十三卷

竇融

弟子固 玄孫章

曾孫憲

第五十四卷

馬援

子廖 兄子嚴

子防 族孫稜

第五十五卷

卓茂

魯恭

弟丕

魏霸

劉寬

第五十六卷

伏湛

子隆

侯霸

宋弘

蔡茂

郭賀附

馮勤

趙憙

牟融

韋彪

族子義

第五十七卷

宣秉

張湛

王丹

王良

杜林

郭丹

吳良

承宮

鄭均

趙典

第五十八卷上

桓譚

馮衍

第五十八卷下

馮衍

子豹

第五十九卷

申屠剛

鮑永

子昱

鄧暉

子壽

第六十卷上

蘇竟

楊厚

第六十卷下

郎顛

襄楷

第六十一卷

郭伋

杜詩

孔奮

張堪

廉范

王堂

蘇章

族孫不幸

牟續

賈琮

陸康

第六十二卷

樊宏

子儵 族曾孫準

陰識

弟興

第六十三卷

朱浮

馮魴

虞延

鄭弘

周章

第六十四卷

梁統

子竦 玄孫冀

曾孫商

第六十五卷

張純

子奮

曹褒

鄭玄

第六十六卷

鄭興

子衆

范升

陳元

賈逵

張霸

子楷 陵弟玄

楷子陵

第六十七卷

桓榮

子郁 玄孫典

孫焉 彬

曾孫鸞

丁鴻

第六十八卷

張宗

法雄

滕撫

馮緄

度尚

楊璇

第六十九卷

劉平

趙孝

淳于恭

江革

劉般

周磐

趙咨

第七十卷上

自東都主人以下分為下卷

班彪

第七十卷下

班彪

子固

第七十一卷

第五倫

曾孫種

鍾離意

宋均

族子意

寒朗

第七十二卷

光武十五

東海恭王

彊

沛獻王

輔

楚王

英

濟南安王

康

東平憲王

蒼

子任城孝王尚

阜陵質王

延

廣陵思王

荆

臨淮懷公

衡

中山簡王

焉

琅邪孝王

京

第七十三卷

朱暉

孫穆

樂恢

何敞

第七十四卷

鄧彪

張禹

徐防

張敏

胡廣

第七十五卷

袁安

子敞 玄孫閔

張酺

韓稜

周榮

孫景

第七十六卷

郭躬

弟子鎮

陳寵

子忠

第七十七卷

班超

子勇

梁懂

第七十八卷

楊終

李法

翟酺

應奉

子邵

霍譖

爰延

徐璆

第七十九卷

王充

王符

仲長統

第八十卷

明帝八王

千乘哀王

建

陳敬王

羨

彭城靖王

恭

樂成靖王

黨

下邳惠王

衍

梁節王

暢

淮陽頃王 昞 濟陰悼王 長

第八十一卷

李恂 陳禪 龐參

陳龜 橋玄

第八十二卷

崔駟 子瑗 孫寔

第八十三卷

周燮 黃憲 徐穉

姜肱 申屠蟠

第八十四卷

楊震 子秉 孫賜 曾孫彪 玄孫脩

第八十五卷 章帝八王

千乘貞王 伉 平春悼王 全 清河孝王 慶

濟北惠王 壽 河間孝王 開 城陽懷王 淑

廣宗殤王 萬歲 平原懷王 勝 和帝子

第八十六卷

張皓 子綱 王龔 子暢 种暉 子岱 拂 拂子劭

陳球

第八十七卷

杜根

樂巴

劉陶

李雲

劉瑜

謝弼

第八十八卷

虞詡

傅燮

蓋勳

臧洪

第八十九卷

張衡

第九十卷上

馬融

蔡邕

第九十卷下

蔡邕

第九十一卷

左雄

周舉

子勰

黃瓊

孫琬

第九十二卷

荀淑

子爽
孫悅

韓韶

鍾皓

陳寔

子紀

第九十三卷

李固 子燮

杜喬

第九十四卷

吳祐

延篤

史弼

盧植

趙岐

第九十五卷

皇甫規

張奐

段熲

第九十六卷

陳蕃

王允

第九十七卷 黨錮

劉淑

李膺

杜密

劉祐

魏朗

夏馥

宗慈

巴肅

范滂

尹勲

蔡衍

羊陟

張儉

岑暉

陳翔

孔昱

苑康

檀敷

劉儒

賈彪

何顥

第九十八卷

郭太

符融

許劭

第九十九卷

竇武

何進

第一百卷

鄭太

孔融

荀彧

第一百一卷

皇甫嵩

朱儁

第一百二卷

董卓

第一百三卷

劉虞

公孫瓚

陶謙

第一百四卷上

袁紹

第一百四卷下

袁紹

子譚

劉表

第一百五卷

劉焉

袁術

呂布

第一百六卷

循吏

衛颯

任延

王景

秦彭

王渙

許荆

孟嘗

第五訪

劉矩

劉寵

仇香

童恢

第一百七卷

酷吏

董宣

樊曄

李章

周紆

黃昌

陽球

王吉

第一百八卷

宦者

鄭眾

蔡倫

孫程

曹騰

單超

侯覽

曹節

呂强

張讓

第一百九卷上

儒林

劉昆

洼丹

任安

楊政

張興

戴憑

孫期

歐陽歙

牟長

宋登

張馴

尹敏

周防

孔僖

楊綸

第一百九卷下

儒林

高詡

包咸

魏應

伏恭

任末

景鸞

薛漢

杜撫

召馴

楊仁

趙異

衛宏

董鈞

丁恭

周澤

鍾典

甄宇

樓望

程曾

張玄

李育

何休

服虔

潁容

謝該

許慎

蔡玄

第一百十卷上

文苑

杜篤

王隆

夏恭

傅毅

黃香

劉毅

李尤

蘇順

劉珍

葛龔

王逸

崔琦

邊韶

第一百十卷下

文苑

張升

趙壹

劉梁

邊讓

酈炎

侯瑾

高彪

張超

禰衡

第一百十一卷

獨行

譙玄

李業

劉茂

溫序

彭脩

索盧放

周嘉

范式

李善

王恁

張武

陸續

戴封

李充

繆彤

陳重

雷義

范冉

一名丹

戴就

趙苞

向栩

諒輔

劉翊

王烈

第一百十二卷上

方術

任文公

郭憲

許楊

高獲

王喬

謝夷吾

楊由

李南

李郃

段翳

廖扶

折象

樊英

第一百十二卷下

方術

唐檀

公沙穆

許曼

趙彥

樊志張

單颺

韓說

董扶

郭玉

華佗

徐登

費長房

薊子訓

劉根

左慈

計子勲

上成公

解奴辜

甘始

王真

王和平

第一百十三卷

逸民

野王二老

向長

逢萌

周黨

王霸

嚴光

井丹

梁鴻

高鳳

臺佟

韓康

矯慎

戴良

法真

漢濱老父

陳留老父

龐公

第一百十四卷

列女

鮑宣妻

王霸妻

姜詩妻

周郁妻

曹世叔妻

樂羊子妻

陳文矩妻

孝女曹娥

許升妻

袁隗妻

龐淸妻

劉長卿妻

皇甫規妻

陰瑜妻

盛道妻

孝女叔先雄

董祀妻

第一百十五卷

東夷

第一百十六卷

南蠻

西南夷

第一百十七卷

西羌

第一百十八卷

西域

第一百十九卷

南匈奴

前書直言匈奴傳不言南北今稱南者明其為北生義也以南單于向化尤深故舉其順者以冠之東觀記稱匈奴南單于列傳范曄因去其單于二字

第一百二十卷

烏桓

鮮卑

光武起後漢乙酉歲改建武元年傳及十二

帝至獻帝建安二十五年庚申凡一百九十

五年

嘯樹堂同校後漢書姓氏

張南捷 字實甫 橋李

姜士望 字宗林 廣陵

顧同應 字仲從 吳郡

陳爾翼 字君馮 會稽

余大美 字仲容 廣陵

吳孝章 字平子 橋李

陳甫伸 字申父

陳信 字吉人

陳之遴 字彥升

陳之暹 字次升 俱虎林

後漢書卷之一上

光武帝紀第一上

世祖光武皇帝諱秀字文叔

禮祖有功而宗有德光武中葉興故廟稱世祖

謚法能紹前業曰光克定禍亂曰武伏侯古今註曰秀之字曰茂伯仲叔季兄弟之次長兄伯升次仲故

字文叔焉南陽蔡陽人故城在今隨州棗陽縣西南高祖

九世之孫也出自景帝生長沙定王發

長沙郡今潭州縣也○劉

淑曰按文言出自景帝生長沙定王發文意不足蓋此生字當作于字

發生春陵節侯

買春陵鄉名本屬零陵冷道縣在今永州唐興縣北元帝時徙南陽仍號春陵故城今在隨州棗陽縣

東事具宗買生鬱林太守外日郡守秦官秩二千石

昭和四十二年
七月二十九日始



景帝更名太守外生鉅鹿都尉回鉅鹿郡今邢州縣也前書曰都尉本郡尉秦官也掌

佐守典武職秩比二千石景帝更名都尉回生南頓令欽南頓縣屬汝南郡故城在今陳

州項城縣西前書曰令長皆秦官也萬戶以上為令秩千石至六百石不滿萬戶為長秩五百石至三百

石欽生光武光武年九歲而孤養於叔父良身長七

尺三寸美須眉大口隆準日角隆高也許負云鼻頭為準鄭玄尚書中侯

注云日角謂庭中骨起狀如日性勤於稼穡種曰稼歛曰穡而兄伯升好俠

養士常非笑光武事田業比之高祖兄仲仲郟陽侯喜也能為

產業見前書王莽天鳳中王莽建國六年改為天鳳○劉放曰註按莽號始建國年凡三

字此少乃之長安受尚書畧通大義東觀記曰受尚書於中大夫廬

江許子威資用乏與同舍生韓子合錢買驢令從者儻以給諸公費莽末天下連歲災

蝗寇盜鋒起言賊鋒銳競起字或作蜂喻多也地皇三年天鳳六年改為地皇

南陽荒饑韓詩外傳曰一穀不升曰歉二穀不升曰饑三穀不升曰饑四穀不升曰荒五穀不

升曰諸家賓客多為小盜光武避吏新野新野屬南陽郡今鄧

州縣續漢書曰伯升賓客劫人上避吏於新野鄧晨家因賣穀於宛東觀記曰

饑而上田獨收宛縣屬南陽郡故城今鄧州南陽縣也宛人李通等以圖識說

光武云劉氏復起李氏為輔圖河圖也識符命之書議驗也言為王者受命

之徵驗也易坤靈圖日漢之臣李陽也光武初不敢當然獨念兄伯升

素結輕客必舉大事且王莽敗亡已兆天下方亂遂

後漢書卷三十一 光武本紀

後漢書卷三十一 光武本紀

後漢書卷三十一 光武本紀

後漢書卷三十一 光武本紀

後漢書卷三十一 光武本紀

後漢書卷三十一 光武本紀

與定謀於是乃市兵弩十月與李通從弟軼等起於

宛時年二十八十一月有星孛于張前書音義曰孛星光芒短蓬然

張南方宿也續漢志曰張為周地星孛于張東南行即翼軫之分翼軫楚地是楚地將有兵亂後一年正月光武起兵春陵攻南陽斬阜賜等殺其士眾

數萬人光武都雒陽居周地除穢布新之象 光武

遂將賓客還春陵時伯升已會眾起兵初諸家子弟

恐懼皆亡逃自匿曰伯升殺我及見光武絳衣大冠

董巴輿服志曰大冠者謂武官冠之東觀記曰上時絳衣大冠將軍服也○劉攽曰註案當云大冠者謂

武冠武官冠之 皆驚曰謹厚者亦復為之乃稍自安

伯升於是招新市平林兵新市縣屬江夏郡故城在今郢州富水縣東北平林

地名在今隨州隨縣東北 與其帥王鳳陳收西擊長聚廣雅曰聚居也音慈

諭反前書音義 光武初騎牛殺新野尉乃得馬前書曰小於鄉曰聚

秦官秩四百石至二百石也 進屠唐子鄉例曰多所誅殺曰屠唐子鄉有唐子山在今唐

州湖陽縣西南 又殺湖陽尉湖陽屬南陽郡今唐州縣也東觀記曰劉終詐稱江夏吏誘殺

之 軍中分財物不均眾恚恨欲反攻諸劉光武歛宗

人所得物悉以與之眾乃悅進拔棘陽縣名屬南陽郡在棘水之

陽古謝國也故城在今唐州湖陽縣西北棘音已力反 與王莽前隊大夫甄阜

王莽置六隊郡置大夫一人職如太守南陽為前隊河內為後隊潁川為左隊弘農為右隊河東為北隊

榮陽為祈 屬正梁丘賜王莽每隊置屬正一人職如都尉 戰於小長

安續漢書曰清陽縣有小長安聚故城在今鄧州南陽縣南漢軍大敗還保棘陽

更始元年正月甲子朔漢軍復與甄阜梁丘賜戰於

泚水西大破之斬阜賜泚水在今唐州泚陽縣南廬江濤縣亦有泚水與此別也

泚音比伯升又破王莽納言將軍嚴尤秩宗將軍陳茂

於清陽前書曰納言虞官也掌出納王命所謂喉舌之官也歷秦漢不置王莽改大司農為之桓

譚新論云莊尤字伯石此言嚴避明帝諱也秩宗虞官也掌郊廟之事周謂之宗伯秦漢不置王莽改太

常為秩宗後又典兵故納言秩宗皆有將軍號也清陽縣屬南郡故城在今鄧州南陽縣南在消水之陽

消音育進圍宛城二月辛巳立劉聖公為天子以伯升

為大司徒光武為太常偏將軍前書曰奉常秦官景帝更名太常應劭漢

官儀曰欲令國家盛大社稷常存故稱太常老子曰偏將軍處左上將軍處右東觀記曰時無印得定武

侯家丞印三月光武別與諸將徇昆陽定陵鄆皆下

之徇畧也昆陽定陵鄆皆縣名並屬潁川郡昆陽故城在今許州葉縣北鄆今豫州鄆城縣也定陵故

城在今鄆城西多得牛馬財物穀數十萬斛轉以饋

宛下莽聞阜賜歿漢帝立大懼遣大司徒王尋大司

空王邑王莽時哀章所獻金匱圖有王尋姓名王邑王商于於莽為從父兄弟也將兵百

萬其甲士四十二萬人五月到潁川復與嚴尤陳茂

合潁川郡今洛州潁陽翟縣也初光武為春陵侯家訟逋租於尤尤

見而奇之逋違也春陵侯敞即光武季父也東觀記曰為季父故春陵侯詣大司馬府訟地皇

元年十二月壬寅前租二萬六千斛芻藁錢若干萬
時宛人朱福亦為舅訟租於尤尤止車獨與上語不
視福上歸戲福曰及是時城中出降尤者言光武不
嚴公寧視卿耶

取財物但會兵計策尤笑曰是美須眉者耶何為乃
如是初王莽徵天下能為兵法者六十三家數百人

竝以為軍吏選練武衛招募猛士說文曰募廣求之也旌旗輜

重千里不絕周禮曰析羽為旌熊虎為旗輜車名釋名曰輜則也謂軍糧什物雜廁載之以

其累重故稱輜時有長人巨無霸王莽連率韓博上言有奇士長一丈

重重音直用反大十圍自謂巨無霸出於蓬萊東南五城西北昭如
海濱輜車不能載三馬不能勝臥則枕鼓以鐵箸食

見前長一丈大十圍以為壘尉鄭玄注周禮云軍壁曰壘崔瑗中壘校尉

箴曰堂堂皇帝設為壘壁尉者主壘壁之事又驅諸猛獸猛或作獷獷猛貌也音古猛反

虎豹犀象之屬以助威武自秦漢出師之盛未嘗有

也光武將數千兵徼之於陽關聚名也酈元水經注曰潁水東南經陽關

聚聚夾潁水相對在今洛州陽翟縣西北諸將見尋邑兵盛反走馳入昆

陽皆惶怖憂念妻孥孥子也欲散歸諸城光武議曰今

兵穀既少而外寇疆大并力禦之功度可立如欲分

散勢無俱全且宛城未拔謂伯升圍之未拔也不能相救昆陽

即破一日之間諸部亦滅矣今不同心膽共舉功名

反欲守妻子財物耶諸將怒曰劉將軍何敢如是光

武笑而起會候騎還言大兵且至城北軍陳數百里
不見其後諸將遽相謂曰更請劉將軍計之光武復
為圖畫成敗諸將憂迫皆曰諾時城中唯有八九千
人光武乃使成國上公王鳳廷尉大將軍王常留守
夜自與驃騎大將軍宗佻驃騎大將軍武帝置自
霍去病始佻音大堯反五
威將軍李軼等十三騎王莽置五威將軍其衣服依
五方之色以威天下李軼初
出城南門於外收兵時莽軍到城下者且十
萬光武幾不得出幾音祁既至鄧定陵悉發諸營兵而
諸將貪惜財貨欲分畱守之光武曰今若破敵珍瑤

萬倍瑤古寶字大功可成如為所敗首領無餘何財物之

有衆乃從嚴尤說王邑曰昆陽城小而堅今假號者

在宛亟進大兵亟急也音紀力反彼必奔走宛敗昆陽自服

邑曰吾昔以虎身將軍圍翟義坐不生得以見責讓

翟義字文仲方進少子為東郡太守王莽居攝義心
惡之乃立東平王雲子信為天子義自號柱天大將
軍以誅莽莽乃使孫建王邑等將兵擊義破之
義亡自殺故坐不生得坐音才臥反見前書今將

百萬之衆遇城而不能下何謂邪遇或為過遂圍之數十

重列營百數雲車十餘丈雲車即樓車稱雲言其高
也升之以望敵猶墨子云

公輸般為瞰臨城中俯視曰瞰音苦暫反旗幟蔽野廣雅曰幟
幡也音熾

埃塵連天鉦鼓之聲聞數百里說文曰鉦鏡也似鈴或為地道

衝朝撞城衝撞車也詩曰臨衝開開許慎曰朝樓車也朝音步耕反積弩亂發矢

下如雨城中負戶而汲王鳳等乞降不許尋邑自以

為功在漏刻意氣甚逸夜有流星墜營中晝有雲如

壞山當營而隕不及地尺而散吏士皆厭伏續漢志曰雲如

壞山謂營頭之星也占曰營頭之所墜其下覆軍殺將血流千里厭音一葉反

六月己卯光武遂與營部俱進自將步騎千餘前去大軍四五里

而陳尋邑亦遣兵數千合戰光武奔之斬首數十級

秦法斬首一賜爵一級故因謂斬首為級諸部喜曰劉將軍平生見小敵

怯今見大敵勇甚可怪也且復居前請助將軍光武

復進尋邑兵却諸部共乘之斬首數百千級連勝遂

前時伯升拔宛已三日而光武尚未知乃偽使持書

報城中云宛下兵到而陽墮其書尋邑得之不喜音喜

許記反諸將既經累捷膽氣益壯無不一當百光武乃

與敢死者三千人從城西水上衝其中堅敢死謂果敢而死者

凡軍事中軍將最尊居中尋邑陳亂乘銳崩之遂殺

王尋城中亦鼓譟而出中外合執震呼動天地莽兵

大潰走者相騰踐奔殪百餘里間殪什也音於計反或作殪會大

雷風屋瓦皆飛雨下如注澠川盛溢水經曰澠水出南陽魯陽縣西

堯山東南經昆陽城北東入汝澠音直理反虎豹皆股戰士卒爭赴溺死

者以萬數水為不流數過於萬故以萬為數王邑嚴尤陳茂輕

騎乘死人度水逃去盡獲其軍實輜重車甲珍寶不

可勝算舉之連月不盡或燔燒其餘光武因復徇下

潁陽縣名屬潁川郡故城在今許州會伯升為更始所害光武自父

城馳詣宛謝父城縣古應國也屬潁川郡故城在今許州葉縣東北以伯升見害心不自安

謝故司徒官屬迎弔光武光武難交私語浚引過而已

未嘗自伐昆陽之功又不敢為伯升服喪飲食言笑

如平常更始以是慙拜光武為破虜大將軍封武信

侯九月庚戌三輔豪傑共誅王莽傳首詣宛三輔謂京兆左

馮翊右扶風共在長安中分領諸縣淮南子曰智過百人謂之豪白虎通云賢萬人曰傑時城中少年子

弟張魚等攻莽於新臺商人杜吳殺莽校尉公賓就斬莽首將軍申屠建等傳莽首詣宛更始將

北都洛陽以光武行司隸校尉使前整修宮府前書

隸校尉本周官武帝初置持節從中都官徒千二百人督大姦猾後罷其兵察三輔三河弘農秩比二千

石音義云以掌徒隸而巡察故曰司隸於是致僚屬作文移東觀記曰

屬縣也從事司察一如舊章續漢書曰司隸置從事史

文書察舉非法時三輔吏士東迎更始見諸將過皆冠幘漢官

儀曰幘者古之卑賤不冠者之所服而服婦人衣諸

也方言曰覆髻謂之幘或謂之承露

于繡襦前書音義曰諸于太掖衣也如婦人之袷衣

方言曰襦褌其短者自關之西謂之襦褌郭璞注云

俗名襦掖據此即是諸于上加繡襦如今之半臂也

或有畏而走者續漢志曰時知者見之以為服之不

或垂涕曰不圖今日復見漢官威儀由是識者皆屬

心焉及更始至洛陽乃遣光武以破虜將軍行大司

馬事十月持節北度河漢官儀曰太尉秦官也武帝

以竹為之柄長八尺以旄牛尾為其旒三重馮衍與

田邑書曰今以一節之任建三軍之威豈特寵其八

尺之竹犛牛之尾哉續漢志曰更始時南方有童謠

殺是不諧也光武由河北而興是得之也鎮慰州郡所到部縣輒見二千

石長吏三老官屬下至佐史二千石謂郡守也長吏

謂縣令長及丞尉也三

老者鄉官也高祖置前書曰舉人年五十已上有修

行能率眾者置以為三老每鄉一人擇鄉三老為縣

三老與令長丞尉以事相教復其徭戍續漢志曰每

刺史皆有從事史假佐每縣各置諸事曹史也○劉

敬曰注各置諸事曹史案文多一事字

考察黜陟如州牧行部事漢初

相史分刺州武帝改置刺史察州秩六百石成帝更

名牧秩二千石漢官典儀曰刺史行郡國省察政教

黜陟能不斷

輒平遣囚徒除王莽苛政說文曰苛小

草也言政令

繁細禮記曰苛政猛於虎復漢官名吏人喜悅爭持牛酒迎勞進

至邯鄲縣名屬趙國今洛州縣也前書音義邯山名邯盡也邯山至此而盡城郭字皆從邑因以

名故趙繆王子林繆王景帝七代孫名元前書曰元坐殺人為大鴻臚所奏謚曰繆音

林作臨字說光武曰赤眉今在河東但決水灌之

百萬之衆可使為魚赤眉賊帥樊崇等恐其衆與王莽兵亂皆朱其眉以相別故曰

赤眉續漢書曰是時上平河北過邯鄲林進見言赤眉可破上問其故對曰河水從列人北流如決河水

灌之皆可令為魚上不然之列人光武不答去之真

定縣名屬真定國今恒州縣也林於是乃詐以上者王郎為成帝

子子輿前書曰立國將軍孫建奏云不知何一男子遮臣車前自稱漢氏劉子輿成帝下妻子也

劉氏當復故十二月立郎為天子都邯鄲遂遣使者

降下郡國

二年正月光武以王郎新盛乃北徇薊縣名屬涿郡今幽州縣也

本字從契從邑見說文王郎移檄購光武十萬戶說文曰檄以木簡為書長

尺二寸謂之檄以徵召也又曰以財有所求曰購魏武奏事曰若有急即挿以雞羽謂之羽檄而故

廣陽王子劉接廣陽王名嘉武帝五代孫起兵薊中以應郎城內

擾亂轉相驚恐言邯鄲使者方到二千石以下皆出

迎於是光武趣駕南轅趣急也晨夜不敢入城邑舍

食道傷至饒陽縣名屬安平國在饒河之陽故城在今贏州饒陽縣東北官屬皆

乏食光武乃自稱邯鄲使者入傳舍客館也傳音知戀反下同傳

吏方進食從者饑爭奪之傳吏疑其偽乃椎鼓數十

通推音直退反給言邯鄲將軍至給言欺詐也音殆官屬皆失色

光武升車欲馳既而懼不免徐還坐曰請邯鄲將軍

入久乃駕去傳中人遙語門者閉之門長曰天下詎

可知而閉長者乎遂得南出晨夜兼行蒙犯霜雪蒙

也天時寒面皆破裂至呼沱河山海經云大猷之山呼沱之水出焉在今

代州繁時縣東流經定州深澤縣東南即光武所度處今俗猶謂之危度口臣賢案呼沱河舊在饒陽南

至魏太祖曹操因饒河故瀆決令無船適遇冰合得

過續漢書曰時冰滑馬僵乃各以囊盛沙布冰上度焉未畢數車而陷進至下

博城西下博縣屬信都國在博水之下故曰下博故城在今冀州下博縣南遑惑不知

所之有白衣老父在道旁老父蓋神人也今下博縣西猶有祠堂指曰

努力信都郡為長安守去此八十里信都郡今冀州也光武

即馳赴之信都太守任光開門出迎世祖因發易縣

得四千人先擊堂陽貫縣皆降之堂陽及貫並屬鉅鹿郡堂陽在堂水

之陽今冀州縣故城在今冀州鹿城縣西南貫音時夜反王莽和戎卒正邳彤亦

舉郡降東觀記曰王莽分鉅鹿為和戎郡卒正職如太守又昌城人劉植宋

子人耿純昌城縣屬信都國故城在今冀州西北宋于縣屬鉅鹿郡故城在今趙州平棘縣北

各率宗親子弟據其縣邑以奉光武於是北降下曲

陽縣名屬鉅鹿郡常山郡衆稍合樂附者至有數萬

人復北擊中山中山國一名中人亭故城在今定州

故曰拔盧奴縣名屬中山國故城在今定州安喜縣

中山水經注曰縣有黑水故池水黑曰盧不

流曰奴因所過發奔命兵前書義曰舊時郡國皆有

馳勇者聞命奔移檄邊部共擊邯鄲郡縣還復響應

南擊新市真定元氏防子皆下之新市縣屬鉅鹿郡

北元氏房子屬常山郡並今趙因入趙界時王郎大

將李育屯栢人縣名屬趙國今邢州漢兵不知而進

前部偏將朱浮鄧禹為育所破亡失輜重光武在後

聞之收浮禹散卒與育戰於郭門大破之盡得其所

獲育還保城攻之不下於是引兵拔廣阿縣名屬鉅

在今趙州象會上谷太守耿況漁陽太守彭寵上谷

城在今媯州懷戎縣漁陽各遣其將吳漢寇恂等將

突騎來助擊王郎突騎言能更始亦遣尚書僕射謝

躬討郎漢官儀曰尚書四員武帝置成帝加一為五

有常侍曹尚書主丞相御史事二千石尚書

主刺史二千石事戶曹尚書主人庶上書事主客尚

書主外國四夷事成帝加三公尚書主斷獄事僕射

秦官也僕主也古者重武事每官必光武因大饗士

有主射以督課之謝躬為尚書僕射

後漢書卷之二十一 光武皇帝紀

光武皇帝紀

卒遂東圍鉅鹿王郎守將王饒堅守月餘不下郎遣

將倪宏劉奉倪音五率數萬人救鉅鹿光武逆戰於

南燕縣名屬鉅鹿郡故城在今邢州率數萬人救鉅鹿光武逆戰於

南今俗謂之倫城聲斬首數千級四月進圍邯鄲連

戰破之五月甲辰拔其城誅王郎收文書得吏人與

郎交關謗毀者數千章光武不省會諸將軍燒之曰

令反側子自安反側不安也詩國風曰展轉反側更始遣侍御史持

節立光武為蕭王蕭縣屬沛郡今徐州縣也續漢書曰更始使侍御史黃黨封上為蕭

王悉令罷兵詣行在所蔡邕獨斷曰天子以四海為家故謂所居為行在所

武辭以河北未平不就徵自是始貳於更始貳離異也是

時長安政亂四方背叛梁王劉永擅命睢陽縣名屬梁郡今

宋州也公孫述稱王巴蜀蜀有巴郡李憲自立為淮

南王淮南郡今壽州也秦豐自號楚黎王習鑿齒襄陽記曰秦豐黎丘鄉人黎

丘楚地故稱楚黎王黎丘故城在今襄州率道縣北張步起琅邪郡有琅邪山

故城在今襄州率道縣北張步起琅邪郡有琅邪山故城今海州

海郡名今海州縣延岑起漢中郡名故城在今梁州南鄭縣東北田戎起夷

陵縣名屬南郡有夷山故曰夷陵今陝州縣也故城在今縣西北竝置將帥侵畧郡

縣又別號諸賊銅馬大彤高湖重連鐵脰大搶尤來

上江青犢五校檀鄉五幡五樓富平獲索等

諸賊或以山川

土地為名或以軍容彊盛為號銅馬賊帥東山荒禿上淮況等大彤渠帥樊重尤來渠帥樊崇五校賊帥

高扈檀鄉賊帥董次仲五樓賊帥張文富平賊帥徐少獲索賊帥古師郎等並見東觀記各領部

曲續漢志曰大將軍營有五部部三校尉部下有曲曲有軍候一人眾合數百萬人

所在寇掠光武將擊之先遣吳漢北發十郡兵幽州

牧苗曾不從漢遂斬曾而發其眾秋光武擊銅馬於

鄒縣名屬鉅鹿郡故城在今冀州鹿城縣東鄒音古堯反前書紀年曰衛鞅封于鄒臣賢按下文云吳

漢將突騎來會清陽又追至館陶竝與鄒相近俗本多誤作鄒而蕭該音一古反云屬太原郡滅矜音作鄒一建反云屬襄陽郡竝誤也吳漢將突騎來會清陽縣名屬清河郡今伊州縣

故城在州西北賊數挑戰挺身獨戰也古謂之致光武堅營

自守有出鹵掠者輒擊取之鹵與虜同郭璞注爾雅曰掠奪取也絕其

糧道積月餘日賊食盡夜遁去追至館陶大破之館陶

縣屬魏郡今魏州縣受降未盡而高湖重連從東南來與銅馬

餘眾合光武復與大戰於蒲陽悉破降之封其渠帥

為列侯前書音義曰蒲陽山蒲水所出在今定州北平縣西北本或作滿陽渠大也尚書殲厥渠

魁列侯即徹侯也稱降者猶不自安光武知其意敕

令各歸營勒兵乃自乘輕騎案行部陳降者更相語

曰蕭王推赤心置人腹中安得不投死乎投死猶由言致死

是皆服悉將降人分配諸將衆遂數十萬故關西號

光武為銅馬帝赤眉別帥與大彤青犢十餘萬衆在

射犬續漢志曰野王縣有射犬聚故城在今懷州武德縣北也光武進擊大破之

衆皆散走使吳漢岑彭襲殺謝躬於鄴青犢赤眉賊

入函谷關攻更始函谷谷名因谷以名關舊在弘農有功恥居關外武帝乃為徙於新安故關在今洛州新安縣之東光武乃遣鄧禹率

六裨將引兵而西以乘更始赤眉之亂時更始使大

司馬朱鮪舞陰王李軼等屯洛陽舞陰縣屬南陽郡故城在今唐州泚

陽縣西北光武亦令馮異守孟津以拒之孔安國注尚書云孟地名在洛

北都道所奏古今以為津論衡曰武王伐紂八百諸侯同於此盟故曰盟津俗名治成津今河陽縣津也

建武元年春正月平陵人方望平陵昭帝陵也因為縣故城在今咸陽

縣西北立前孺子劉嬰為天子平帝崩王莽立楚孝王孫廣成侯顯子嬰為孺子

子莽篡位廢為定安公更始遣丞相李松擊斬之光武北擊尤

來大搶五幡於元氏追至右北平連破之北平縣屬中山國今

易州永樂縣也臣賢案東觀記續漢書並無右字此加右誤也營州西南別有右北平郡故城非此也

又戰於順水北酈元水經注云徐水經北平縣故城北光武追銅馬五幡破之於順水即

徐水之別名也今在易州本或作慎者誤也乘勝輕進反為所敗賊追急

短兵接短兵謂刀劍也楚辭曰車錯轂兮短兵接光武自投高岸遇突騎

王豐下馬授光武光武撫其肩而上顧笑謂耿弇曰

幾為虜嗤弇頻射却賊得免士卒死者數千人散兵

歸保范陽縣名在范水之陽屬涿郡軍中不見光武

或云已沒東觀記曰上已乘王豐諸將不知所為吳

漢曰卿曹努力曹輩也王兄子在南陽何憂無主兄子謂伯

升子章及與也眾恐懼數日乃定賊雖戰勝而素懾大威懾

也音之涉反客主不相知夜遂引去大軍復進至安次縣

屬渤海郡今幽州縣也故城在縣東與戰破之斬首三千餘級賊入漁

陽乃遣吳漢率耿弇陳俊馬武等十二將軍追戰于

潞東潞縣名屬漁陽郡今幽州縣也有潞水因以為名蕭該音義云潞屬上黨臣賢案潞與漁陽相

接言上黨潞者非也及平谷大破滅之平谷縣屬漁陽郡故城在今潞縣北朱鮪

遣討難將軍蘇茂攻溫今潞州縣馮異寇恂與戰大破之

斬其將賈彊於是諸將議上尊號馬武先進曰天下

無主如有聖人承敝而起雖仲尼為相孫子為將猶

恐無能有益反水不收後悔無及言早當即尊位以定眾心今執謙退

失於事機也孫子名武吳王闔閭將善用兵有兵法十三篇反音翻大王雖執謙退奈

宗廟社稷何宜且還薊即尊位乃議征伐今此誰賊

而馳騫擊之乎誰謂未有主也前書音義曰直騫曰馳亂馳曰騫光武驚曰

何將軍出是言可斬也武曰諸將盡然光武使出曉之使曉諭諸將乃引軍還至薊夏四月公孫述自稱天子

光武從薊還過范陽命收葬吏士至中山諸將復上奏曰漢遭王莽宗廟廢絕豪傑憤怒兆人塗炭尚書曰人

墜塗炭孔安國注云若陷泥墜火無救之者王與伯升首舉義兵更始因

其資以據帝位而不能奉承大統敗亂綱紀盜賊日多羣生危蹙蹙迫也音子六反大王初征昆陽王莽自潰後

拔邯鄲北州弭定參分天下而有其二跨州據土帶甲百萬言武力則莫之敢抗論文德則無所與辭臣

聞帝王不可以久曠天命不可以謙拒惟大王以社

稷為計萬姓為心光武又不聽行到南平棘常山郡

今趙州縣故城在縣南諸將復固請之光武曰寇賊未平四面

受敵何遽欲正號位乎諸將且出耿純進曰天下士

大夫捐親戚棄土壤從大王於矢石之間者其計固

望其攀龍鱗附鳳翼以成其所志耳楊雄法言曰攀龍鱗附鳳翼巽

以揚今功業即定天人亦應而大王留時逆眾不正

號位純恐士大夫望絕計窮則有去歸之思無為久自苦也大眾一散難可復合時不可留眾不可逆純

言甚誠切光武浚感曰吾將思之行至郾縣名今趙州高邑縣

也郾音火各反光武先在長安時同舍生彊華續漢書曰彊華潁川人也

彊音其兩反自關中奉赤伏符曰劉秀發兵捕不道四夷

雲集龍鬪野四七之際火為主四七二十八也自高祖至光武初起合二

百二十八八年即四七之際也漢火德故火為主也羣臣因復奏曰受命之符

人應為大謂彊華奉赤伏符也萬里合信不議同情周之白魚

曷足比焉尚書中候曰武王伐紂度孟津中流白魚躍入王舟長三尺赤文有字告以伐紂之意

今上無天子海內淆亂符瑞之應昭然著聞宜答

天神以塞羣望光武於是命有司設壇場於郾南干

穉亭五成陌壇謂築土場謂除地秦法十里一亭南

縣水經注曰亭有石壇壇有圭頭碑其陰云常山相隴西狄道馮龍所造壇廟之東枕道有兩石翁仲南

北相對焉○劉放曰注壇廟之東案自上初無說廟之文明多一廟字六月己未即皇

帝位燔燎告天天高不可達故燔柴以祭之庶高煙

燎音力禋于六宗精意以享謂之禋續漢志平帝元

甲反改六宗為天地四方之宗祠於洛陽之北戌亥之地

望於羣神山林川谷能興致雲雨者皆曰神不可偏

神其祝文曰皇天上帝后土神祇眷顧降命屬秀黎

元為人父母屬音燭秀不敢當羣下百辟不謀同辭詩大

雅曰百辟卿士鄭玄注云百辟畿內諸侯也

咸曰王莽篡位秀發憤興兵

破王尋王邑於昆陽誅王郎銅馬於河北平定天下

海內蒙恩上當天地之心下為元元所歸元元謂黎庶也元元

猶言喁喁可矜憐之辭也識記曰劉秀發兵捕不道卯金脩德為

天子卯金劉字也春秋演孔圖曰卯金刀名為赤帝後次代周○劉放曰注檢班固傳注為下合有

劉秀猶固辭至于再至于三羣下僉曰皇天大命不

可稽留敢不敬承於是建元為建武大赦天下改部

為高邑是月赤眉立劉盆子為天子甲子前將軍鄧

禹擊更始定國公主王匡於安邑大破之安邑縣屬河東郡今

蒲州縣也斬其將劉均秋七月辛未拜前將軍鄧禹為大

司徒丁丑以野王令王梁為大司空野王縣屬河內郡故城在今懷

州時據赤伏符文故從縣宰而超拜之事具梁傳壬午以大將軍吳漢為大

司馬偏將軍景丹為驃騎大將軍大將軍耿弇為建

威大將軍偏將軍蓋延為虎牙大將軍偏將軍朱祐

為建義大將軍中堅將軍杜茂為大將軍時宗室劉

茂自號厭新將軍王莽號新室言欲厭勝之率眾降封為中山王

己亥幸懷縣名屬河內郡故城在今懷州武陟縣西天子所行必有恩幸故稱幸遣耿

弇率彊弩將軍陳俊軍五社津水經注曰鞏縣北有五社津一名土社津

有山臨河其下有穴潛通淮浦有渚謂之鮪渚呂覽云武王伐紂至鮪水即此地

備滎陽以

東使吳漢率朱祐及廷尉岑彭

前書廷尉秦官也聽獄必質於朝廷與衆

共之尉平也故稱廷尉

執金吾賈復

前書曰中尉秦官武帝改爲執金吾吾禦也掌執兵

革以禦非常

揚化將軍堅鐔等十一將軍

鐔音徒南反

圍朱鮪

於洛陽八月壬子祭社稷癸丑祠高祖太宗世宗於

懷宮進幸河陽更始廩丘王田立降

廩丘縣屬東郡城在今濮州雷

北也九月赤眉入長安更始奔高陵辛未詔曰

漢制度曰

帝之下書有四一曰策書二曰制書三曰詔書四曰誡敕策書者編簡也其制長二尺短者半之篆書起年月日稱皇帝以命諸侯王三公以罪免亦賜策而以隸書用尺一木兩行唯此爲異也制書者帝者制

度之命其文曰制詔三公皆璽封尚書令印重封露布州郡也詔書者詔告也其文曰告某官云如故事

誠敕者謂敕刺史太守其文曰有詔敕某官它皆倣此○劉敞曰注云羣官云案文當更有云字

更始破敗棄城逃走妻子裸袒流冗道路

冗音人勇反冗散也朕

甚愍之今封更始爲淮陽王

淮陽郡故城在今陳州宛丘縣西南吏人

敢有賊害者梟同大逆甲申以前高密令卓茂爲太

傅

高密縣屬高密國今密州縣故城在今縣之西南卓以平帝時爲密令故曰前辛卯朱鮪

舉城降冬十月癸丑車駕入洛陽幸南宮却非殿遂

定都焉

蔡質漢典職儀曰南宮至北宮中央作大屋複道三道行天子從中道從官夾左右十步

一衛兩宮相去七里又洛陽宮閣各有却非殿遣岑彭擊荊州羣賊十一月

甲午幸懷。劉永自稱天子。十二月丙戌，至自懷，赤眉

殺更始而隗囂據隴右。盧方起安定。郡名今涇州縣破虜大

將軍叔壽擊五校賊於曲梁，戰歿。曲梁屬廣平國，今洛州縣也。

二年春正月甲子朔，日有食之。續漢志曰：在危八度，虛危齊地，賊張步擁

兵據齊至五年乃破。大司馬吳漢率九將軍擊檀鄉賊於鄴東

大破降之。庚辰，封功臣皆為列侯。大國四縣，餘各有

差。下詔曰：人情得足，苦於放縱。快須臾之欲，忘慎罰

之義。尚書曰：罔不明德慎罰，亦克用勸善也。惟諸將業

遠功大，誠欲傳於無窮，宜如臨深淵，如履薄冰，戰戰

慄慄，日慎一日。太公金匱曰：黃帝居人上，惴惴若臨深淵，舜居人上，矜矜如履薄冰，禹居

人上，慄慄如不滿日，敬勝怠則吉。其顯效未酬，名籍

未立者，大鴻臚趣上。續漢志曰：大鴻臚，卿一人，中二千石，掌諸王入朝及拜諸侯封

者，趣音促。朕將差而錄之，博士丁恭議曰：古帝王封諸侯

不過百里。史記太史公曰：武王成康所封數百而同姓五十，地不過百里。故利以建

侯，取法於雷。易屯卦震下坎上，震為雷，初九曰：利建侯，又曰：震驚百里，故封諸侯地方百里。

以法雷也。強幹弱枝，所以為治也。今封諸侯四縣，不合法

制。帝曰：古之亡國，皆以無道，未嘗聞功臣地多而滅

亡者。乃遣謁者，即授印綬。前書曰：謁者，秦官，掌賓讚受事，員七十人，秩比六百

石中興但三十人蔡質典職儀曰皆選儀容端正任奉使者前書曰諸侯王金璽韜綬列侯金印紫綬韜音戾草名也似艾可染緣因以名綬也○劉敞曰注蔡質典職儀案前後注皆云漢典職儀明脫一漢字

策曰在上不驕高而不危制節謹度滿而不溢敬之

戒之傳爾子孫長為漢藩藩屏也言建諸侯所以為國之藩蔽也詩大雅曰四

國于壬午更始復漢將軍鄧暉輔漢將軍于匡降皆

復爵位壬子起高廟建社稷於洛陽立郊兆于城南

始正火德色尚赤漢禮制度曰人君之居前有朝後有寢終則制廟以象朝後制寢以象寢光武都洛陽乃合高祖以下至平帝為一廟藏

十一帝主於其中元帝次當第八光武第九故立元帝為祖廟後遵而不改續漢志曰立社稷於洛陽在宗廟之右皆方壇四面及中各依方色無屋有墻門

而已白虎通曰天子之壇方五丈諸侯之壇半天子之壇社者土也人非土不立非穀不食故封土立社示有土也稷者五穀之長得陰陽中和之氣故祭之也續漢書曰制郊兆於洛陽城南七里為壇八陛中又為重壇天地位皆在壇上其外壇上為五帝位青帝位在甲寅赤帝位在丙巳黃帝位在丁未白帝位在庚申黑帝位在壬亥其外為壇重營皆紫以象紫宮營有通道以為門日月在營內南道日在東月在西北北斗在北道之西外營中營凡千五百一十四神高皇帝配食焉北郊在洛陽城北四里方壇四陛地祇位南面西上高皇后配西面皆在壇土地里羣后從食皆在壇下中嶽在未四嶽各依其方淮海俱在東河在西濟在北江在南餘山川各如其方漢初土德色尚黃至此始明火德徽幟尚赤服色於是乃正○劉敞曰注立元帝為祖廟案以世數言之元帝乃是光武考非祖也作祖字誤是月赤睂

焚西京宮室發掘園陵園謂塋域陵謂山墳寇掠關中大司徒

鄧禹入長安遣府掾奉十一帝神主納於高廟

漢官儀曰

司徒府掾屬三十一人秩千石十一帝謂高祖至平帝神主以木為之方尺二寸穿中央達四方天子主長尺三寸諸侯主長一尺虞主用桑練主用栗衛宏舊漢儀曰已葬收主為木函藏廟太室中西壁坎中去地六尺一寸祭則立主於坎下

真定王楊臨邑侯讓謀反

揚景帝七代孫

讓即楊弟遣前將軍耿純誅之二月己酉幸修武

縣名屬河內郡

本殷之甯邑韓詩外傳曰武王伐紂勒兵於甯改曰修武今懷州縣也

大司空王梁免

壬子以太中大夫宋弘為大司空遣驃騎大將軍景

丹率征虜將軍祭遵等二將軍擊弘農賊破之因遣

祭遵圍蠻中賊張滿

蠻中聚名故戎蠻于國在今汝州西南俗謂之麻城

漁陽

太守彭寵反攻幽州牧朱浮於薊延岑自稱武安王

於漢中辛卯至自修武三月乙未大赦天下詔曰頃

獄多冤人用刑深刻朕甚愍之孔子云刑罰不中則

民無所措手足論語之文其與中二千石諸大夫博士議

郎議省刑法遣執金吾賈復率二將軍擊更始鄼王

尹遵破降之

遵或作尊

驍騎將軍劉植擊密賊戰歿

密縣屬河

南郡今洛州縣遣虎牙大將軍蓋延率四將軍伐劉永夏四

月圍永於睢陽更始將蘇茂殺淮陽太守潘蹇而附

劉永甲午封叔父良為廣陽王兄子章為太原王章

弟興為魯王春陵侯嫡子社為城陽王城陽國故城在今沂州臨

沂縣五月庚辰封更始元氏王歙為泗水王泗水國今兗州

縣故真定王楊子德為真定王周後姬常為周承休

也公武帝封周後姬嘉為周子南君成帝封姬延為周承休公常即延之後承休所封故城在今汝州東

北癸未詔曰民有嫁妻賣子欲歸父母者恣聽之敢

拘執論如律六月戊戌立賢人郭氏為皇后子疆為

皇太子大赦天下增郎謁者從官秩各一等前書曰郎官掌

守門戶出充車騎有議郎中郎侍郎郎中秩六百石已下丙午封宗子劉終為淄

川王淄川國今淄州縣秋八月帝自將征五校丙辰幸內黃

縣名屬魏郡今相州縣大破五校於蕘陽降之蕘陽聚名屬魏郡故城在今相

州堯城縣東諸本有作蕘者誤也左傳云晉荀盈如齊逆女還卒於戲陽杜預注云內黃縣北有戲陽城

戲與蕘同音許宜反遣游擊將軍鄧隆救朱浮與彭寵戰於潞

隆軍敗績益延拔睢陽劉永奔譙今亳破虜將軍鄧

奉據滎陽反九月壬戌至自內黃驃騎大將軍景丹

薨延岑大破赤眉於杜陵縣名屬京兆周之杜伯國在今萬年縣東南關

中饑民相食冬十一月以廷尉岑彭為征南大將軍

率八將軍討鄧奉於堵鄉水經注曰堵水南經小堵鄉在今唐州方城縣堵音

者銅馬青犢尤來餘賊其立孫登為天子於上郡春秋

保乾圖曰賊臣起名孫登巧用法多技方蓋立以應之上郡故城在今涇州上縣東南

登將樂

玄殺登以其眾五萬餘人降遣偏將軍馮異代鄧禹

伐赤眉使太中大夫伏隆持節安輯青徐二州招張

步降之爾雅曰輯和也音集十二月戊午詔曰惟宗室列侯為

王莽所廢先靈無所依歸朕甚愍之其並復故國若

侯身已歿屬所上其子孫見名尚書封拜屬所謂侯子孫所屬

之郡縣也錄其見名上於尚書封拜之是歲蓋延等大破劉永於沛西

沛今徐州縣也初王莽末天下旱蝗黃金一斤易粟一斛至

是野穀旅生旅寄也不因播種而生故曰旅今字書作糴音呂古字通麻卡尤盛

野蠶成繭被於山阜人收其利焉

三年春正月甲子以偏將軍馮異為征西大將軍杜

茂為驃騎大將軍大司徒鄧禹及馮異與赤眉戰於

回溪溪名也俗名回坑在今洛州永寧縣東禹異敗績征虜將軍祭遵

破蠻中斬張滿辛巳立皇考南頓君巳上四廟壬午

大赦天下閏月乙巳大司徒鄧禹免馮異與赤眉戰

於峭底大破之峭山名底阪也一名嶽岑在今洛州永寧縣西北餘眾南向

宜陽縣名屬弘農郡韓國都也故城在今洛州福昌縣東韓城是也帝自將征之巳

亥幸宜陽甲辰親勒六軍大陳戎馬大司馬吳漢精

卒當前中軍次之驍騎武衛分陳左右赤眉望見震

怖遣使乞降丙午赤眉君臣面縛面備也謂反奉高

皇帝璽綬蔡邕獨斷曰皇帝六璽皆玉螭虎紐文曰

天子之璽天子信璽皆以武都紫泥封之玉璽譜曰

傳國璽是秦始皇初定天下所刻其玉出藍田山丞

相李斯所書其文曰受命于天既壽永昌高祖至霸

上秦王子嬰獻之至王莽篡位就元后求璽不與以

威逼之乃出璽投地璽上螭一角缺及莽敗李松持

璽詣宛上更始更始敗璽入赤眉劉盆子既敗以奉

光武詔以屬城門校尉前書曰城門校尉掌京師

至自宜陽已酉詔曰羣盜縱橫賊害元元盆子竊尊

號亂惑天下朕奮兵討擊應時崩解十餘萬衆束手

降服先帝璽綬歸之王府斯皆祖宗之靈士人之力

朕曷足以享斯哉享當也其擇吉日祠高廟賜天下長

子當為父後者爵人一級二月己未祠高廟受傳國

璽劉永立董憲為海西王海西縣屬琅琊郡張步為齊王步

殺光祿大夫伏隆而反幸懷遣吳漢率二將軍擊青

犢於軹西大破降之軹縣屬河內郡故城在今洛州濟源縣東南三月壬

寅以大司徒司直伏湛為大司徒續漢志曰光武即位依武帝故事置

司徒司直建武十一年省彭寵陷薊城寵自立為燕王帝自將征

鄧奉幸堵陽夏四月大破鄧奉於小長安斬之馮異

與延岑戰於上林破之關中上林苑也吳漢率七將軍與劉

永將蘇茂戰於廣樂大破之廣樂地闕今宋州虞城縣有長樂故城蓋避隋

煬帝諱虎身大將軍蓋延圍劉永於睢陽五月己酉車

駕還宮乙卯晦日有食之續漢志曰日在柳十四度柳河南也時樊崇謀作亂

其七月伏誅六月壬戌大赦天下耿弇與延岑戰于穰大

破之穰縣屬南陽郡今鄧州縣秋七月征南大將軍岑彭率三將

軍伐秦豐戰於黎丘大破之獲其將蔡宏庚辰詔曰

吏不滿六百石下至墨綬長相有罪先請續漢志曰縣大者置

令一人千石其次置長四百石小者三百石侯國之相亦如之皆掌理人並秦制男子八十

以上十歲以下及婦人從坐者自非不道詔所名捕

皆不得繫詔書有名而持捕者當驗問者即就驗女徒雇山歸

家前書音義曰令甲女子犯徒遣歸家每月出錢雇人於山伐木名曰雇山蓋延拔睢陽

獲劉永而蘇茂周建立永子紆為梁王冬十月壬申

幸春陵祠園廟因置酒舊宅大會故人父老光武舊宅在今

隨州棗陽縣東南宅南二里有白水焉即張衡所謂龍飛白水也十一月乙未至自

春陵涿郡太守張豐反涿郡故城在今幽州范陽縣是歲李憲自

稱天子西州大將軍隗囂奉奏時鄧禹承制命囂為西州大將軍專制涼

州朔方事建義大將軍朱祐率祭遵與延岑戰於東陽斬

其將張成東陽聚名也故城在今鄧州南臨淮郡復有東陽縣非此地也

四年春正月甲申大赦天下二月壬子幸懷壬申至

自懷遣右將軍鄧禹率二將軍與延岑戰於武當破

之武當縣屬南陽郡有武當山今均州縣也夏四月丁巳幸鄴己巳進幸

臨平縣名屬鉅鹿郡故城在今定州鼓城縣東南遣大司馬吳漢擊五校

賊於箕山大破之吳漢傳曰東郡箕山五月進幸元氏辛巳進

幸盧奴遣征虜將軍祭遵率四將軍討張豐於涿郡

斬豐六月辛亥車駕還宮七月丁亥幸譙遣捕虜將

軍馬武偏將軍王霸圍劉紆於垂惠垂惠聚名在今亳州山桑縣西

北一名禮城董憲將賁休以蘭陵城降憲圍之前書曰賁赫賁音肥

今姓作賁音奔蘭陵縣屬東海郡故城在今沂州丞縣東虎身大將軍蓋延率平

狄將軍龐萌救賁休不克蘭陵為憲所陷秋八月戊

午進幸壽春今壽州縣太中大夫徐憚擅殺臨淮太守劉

度憚坐誅遣揚武將軍馬成率三將軍伐李憲九月

圍憲於舒縣名故城在今廬州廬江縣西冬十月甲寅車駕還宮太

傅卓茂薨十一月丙申幸宛遣建義大將軍朱祐率

二將軍圍秦豐於黎丘十二月丙寅進幸黎丘是歲

征西大將軍馮異與公孫述將程焉戰於陳倉破之

五年春正月癸巳車駕還宮二月丙午大赦天下捕

虜將軍馬武偏將軍王霸拔垂惠乙丑幸魏郡今相州也

壬申封殷後孔安為殷紹嘉公武帝封孔吉為殷紹嘉公安即吉之裔也

彭寵為其蒼頭所殺漁陽平秦呼人為黔首謂奴為蒼頭者以別於良人也

大司馬吳漢率建威大將軍耿弇擊富平獲索賊於

平原大破降之平原郡今德州縣也復遣耿弇率二將軍討張

步三月癸未徙廣陽王良為趙王始就國平狄將軍

龐萌反殺楚郡太守孫萌而東附董憲遣征南大將

軍岑彭率二將軍伐田戎於津鄉大破之南郡有津鄉故城在

今荊州江陵縣東夏四月旱蝗河西大將軍竇融始遣使貢

獻五月丙子詔曰久旱傷麥秋種未下朕甚憂之將

殘吏未勝獄多冤結元元愁恨感動天氣乎其令中

都官三輔郡國出繫囚前書音義曰中都官謂京師諸官府也國謂諸侯王國也

臯非犯殊死一切勿案殊死謂斬刑殊絕也左傳曰斬其木而弗殊一切謂權時

非久制也並見前書音義見徒免為庶人務進柔良退貪酷各正

厥事焉臣賢案范曄序例云帝紀畧依春秋唯字甚有甲申白虹見南北竟天者誤它皆放此六月建義大將軍朱祐拔黎丘

獲秦豐而龐萌蘇茂圍桃城任城國有桃聚故城在今兗州任城縣北○劉

徵曰正文案文多一而字說與上同帝時幸蒙縣名屬梁國故城在今宋州北因自將

征之先理兵任城乃進救桃城大破萌等秋七月丁

丑幸沛祠高原廟前書音義曰原再也謂已立廟更立者為原詔修復西

京園陵進幸湖陵征董憲湖陵縣屬山陽郡故城在今兗州方與縣東一名湖

陸又幸蕃縣名屬魯國故城在今徐州滕縣蕃音反遂攻董憲於昌慮大

破之昌慮縣屬東海郡故城在今徐州滕縣東南古邾國之濫邑也左傳曰邾庶其以濫來奔即此

也八月巳酉進幸邳縣名屬東海郡故城在今泗州下邳縣東北邳音談留吳

漢攻劉紆董憲等車駕轉徇彭城下邳吳漢拔邳獲

劉紆漢進圍董憲龐萌於朐縣名屬東海郡故城在今海州朐山縣西音其

于反冬十月還幸魯使大司空祠孔子耿弇等與張步

戰於臨淄大破之臨淄今青州縣帝幸臨淄進幸劇縣名故城在今

青州壽光縣南故紀國城也張步斬蘇茂以降齊地平初起太學

陸機洛陽記曰太學在洛陽城故開陽門外去宮八里講堂長十丈廣二丈車駕還宮幸

太學賜博士弟子各有差十一月壬寅大司徒伏湛

免尚書令侯霸為大司徒十二月盧芳自稱天子於

九原縣名屬五原郡故城在今勝州銀城縣西州大將軍隗躄遣子恂

入侍交趾牧鄧讓率七郡太守遣使奉貢交趾郡今南濱大海輿地志云其夷足大指開柝兩足並立指則相交趾與趾同古字通應劭漢官儀曰始開北方

遂交於南為子孫基址也七郡謂南海蒼梧鬱

林合浦交趾九真日南並屬交州見續漢書 詔復

濟陽二年徃役 濟陽縣故城在今曹州宛句縣西南 皇考南頓君初為濟陽令以哀帝建

平元年帝生於濟陽官故復之前書 是歲野穀漸少

音義曰復謂除其賦役也復音福

田畝益廣焉 劉攽曰章懷注書避世字作代民字作人治字作

理作化所引他書亦皆易之後人不知或輒改還

本字又不能都換之亦有誤改代為

世者雖不甚害義聊記之以曉學者

後漢書卷之一上

光武帝紀第一下

六年春正月丙辰改春陵鄉為章陵縣世世徃役

比豐沛無有所豫 高祖豐沛邑人故代代 辛酉詔曰

徃歲水旱蝗蟲為災穀價騰躍 言踴 人用困乏朕惟

百姓無以自贍惻然愍之其命郡國有穀者給稟 說

稟賜穀也 音筆錦反 高年鰥寡孤獨及篤癯無家屬貧不能自

存者如律 大戴禮曰六十無妻曰鰥五十無夫曰寡

禮記曰幼而無父曰孤老而無子曰獨爾 二千石勉加循撫無令失職 職

雅曰篤困也蒼頡篇 曰癯病也漢律今云

後漢書卷之十一 光武帝紀

也常揚武將軍馬成等拔舒獲李憲二月大司馬吳漢

拔胸獲董憲龐萌山東悉平諸將還京師置酒賞賜

三月公孫述遣將任滿寇南郡今荆夏四月丙子幸

長安始謁高廟遂有事十一陵有事謂祭也左傳曰

陵惠帝安陵文帝霸陵景帝陽陵武帝茂陵昭帝平

陵宣帝杜陵元帝渭陵成帝延陵哀帝義陵平帝康

遣虎身大將軍蓋延等七將軍從隴道伐公孫述

五月己未至自長安隗囂反蓋延等因與囂戰於隴

抵諸將敗績辛丑詔曰惟天水隴西安定北地並郡

水今秦州安定今涇州北吏人為隗囂所誑誤者說

地今寧州隴西今渭州又三輔遭難赤眉有犯法不道者前書

音古賣反曰夫張官置吏所以為人也管子曰張官置吏今百

日註亦誤也姓遭難戶口耗少而縣官吏職所置尚繁其令司隸

州牧漢官儀曰司隸校尉部河南河內右扶風左馮

翊京兆河東弘農七郡於河南洛陽故謂東京各實所部省減吏員縣國不足置長吏可并合

者并音必上大司徒大司空二府於是條奏并省四

百餘縣吏職減損十置其一代郡太守劉興擊盧芳

將賈覽於高柳戰歿高柳縣屬代郡故城初樂浪人

在今雲州定襄縣

王調據郡不服樂浪郡故朝鮮國也在遼東秋遣樂浪太守王遵

擊之郡吏殺調降遣前將軍李通率二將軍與公孫

述將戰於西城破之西城縣屬漢中今金州縣也夏蝗秋九月庚

子赦樂浪謀反大逆殊死已下丙寅晦日有食之冬

十月丁丑詔曰吾德薄不明寇賊為害疆弱相陵元

元失所詩云日月告凶不用其行詩小雅鄭玄注云告凶告天下凶亡

之徵也行道度也不用之者謂相干犯永念厥咎內疚於心疚病也詩曰憂心孔

其敕公卿舉賢良方正各一人武帝建元元年始詔舉賢良方正直

言極諫之士也百僚竝上封事無有隱諱宣帝始令羣臣得奏封事以知下情

有司修職務遵法度十一月丁卯詔王莽時吏人沒

入為奴婢不應舊法者皆免為庶人十二月壬辰大

司空宋弘免癸巳詔曰頃者師旅未解用度不足故

行什一之稅謂十分而稅其一也孟子曰夏五十而貢殷七十而助周百畝而徹其實皆什

也一今軍士屯田糧儲差積武帝初通西域始置校尉屯田其令郡國

收見田租三十稅一如舊制景帝二年令人田租三十而稅一今依景帝故

云舊制隗囂遣將行巡寇扶風行姓巡名漢有行祐為趙相見風俗通征

西大將軍馮異拒破之是歲初罷郡國都尉官劉攽曰案

郡有都尉國有中尉此時罷郡都尉官耳不當有國字始遣列侯就國匈奴遣

使來獻使中郎將報命漢官儀曰使匈奴中郎將擁節秩比二千石匈奴傳云令

中郎將韓統報命賂遺金弊

七年春正月丙申詔中都官三輔郡國出繫囚非犯

殊死皆一切勿案其罪見徒免為庶民耐罪亡命吏

以文除之耐輕刑之名前書音義曰一歲刑為罰作二歲刑已上為耐耐音乃代反亡命謂犯耐罪而背名逃者令吏為文簿記其姓名而除其罪恐遂逃不歸因失名籍又詔曰世以

厚葬為德薄終為鄙至于富者奢僭貧者單財單盡也

法令不能禁禮義不能止倉卒乃知其咎倉卒謂喪亂也諸厚

葬者皆被發掘故其布告天下令知忠臣孝子慈兄

弟弟薄葬送終之義二月辛巳罷護曹都尉宮三月

丁酉詔曰今國有眾軍竝多精勇宜且罷輕車騎士

材官樓船士及軍假吏漢官儀曰高祖命天下郡國選能引關蹶張材力武猛者以為輕車騎士材官樓船常以秋後講肄課試各有員數平地用車騎山阻用材官水泉用樓船軍假吏謂軍中權置吏也今悉罷之令還復民伍公孫述立隗囂為朔寧

王癸亥晦日有食之避正殿寢兵不聽事五日詔曰

吾德薄致災謫見日月謫責也音直革反左傳曰人君為政不用善自取謫於日月之災也戰慄恐懼夫何言哉今方念愆庶消厥咎其令

有司各修職任奉遵法度惠茲元元百僚各上封事

無有所諱其上書者不得言聖夏四月壬午詔曰比

陰陽錯謬日月薄食百姓有過在予一人大赦天下

公卿司隸州牧舉賢良方正各一人遣詣公車朕將

覽試焉公車門名公車所在因以名焉漢官儀曰公車掌殿司馬門天下上事及徵召皆總領之

五月戊戌前將軍李通為大司空甲寅詔吏人遭饑

亂及為青徐賊所畧為奴婢下妻欲去留者恣聽之

杜預左傳云不以道取為畧敢拘制不還以賣人法從事言從賣人之事

以結其罪也是夏連雨水漢忠將軍王常為橫野大將軍

八月丁亥封前河間王邵為河間王隗囂寇安定征

西大將軍馮異征虜將軍祭遵擊却之冬盧芳所置

朔方太守田颯音立雲中太守喬扈各舉郡降是歲省

長水射聲二校尉官前書音義曰長水地名胡騎所屯射聲謂工射者也夜中聞聲則射之因以為名二校尉皆武帝置今省之

八年春正月中郎將來歙襲畧陽縣名屬天水郡故城在今秦州隴城北

縣西殺隗囂守將而據其城夏四月司隸校尉傅亢

下獄死隗囂攻來歙不能下閏月帝自征囂河西太

守竇融率五郡太守與車駕會高平五郡謂隴西金城天水酒泉張

掖高平縣名屬安定後改為高平今原州縣劉放

曰注案高平縣名後改為高平不成文理蓋合有一

隴右潰隗囂奔西城遣大司馬吳漢征南大將軍

岑彭圍之進幸上邽不降上邽縣名屬隴西郡故邽戎邑今秦州縣命虎

牙大將軍蓋延建威大將軍耿弇攻之潁川盜賊寇

沒屬縣河東守守兵亦叛劉攽曰案文多一守字若云太守之兵又不合去太

京師騷動秋大水八月帝自上邽晨夜東馳九月

乙卯車駕還宮庚申帝自征潁川盜賊皆降安丘侯

張步叛歸琅邪安丘縣屬北海郡今密州縣有渠丘亭琅邪太守陳俊

討獲之戊寅至自潁川冬十月丙午幸懷十一月乙

丑至自懷公孫述遣兵救隗囂吳漢蓋延等還軍長

安天水隴西復反歸囂十二月高句驪王遣使奉貢

是歲大水左傳曰平原出水為大水

九年春正月隗囂病歿其將王元周宗復立囂子純

為王徙鴈門吏人於太原三月辛亥初致青巾左校

尉官劉攽曰案前史廢置官皆用置字字書置立也致字訓送詣上文光武為司隸致僚屬招致之

義可作致字今建此官宜作置蓋緣前文遂誤此字改作置無疑公孫述遣將田戎

任滿據荆門水經注曰江水東歷荆門虎牙之間荆門山在南上合下開其狀似門虎牙山

在北石壁色紅間有白文類牙故以名也此夏六月

丙戌幸緱氏登轘轅緱氏縣有緱氏山轘轅山有轘轅坂並在洛陽之東南遣

大司馬吳漢率四將軍擊盧芳將賈覽於高柳戰不

利秋八月遣中郎將來歙監征西大將軍馮異等五

將軍討隗純於天水驃騎大將軍杜茂與賈覽戰於

繫時縣名屬鴈門郡今代州縣茂軍敗績是歲省關都尉前書曰秦官也

武帝置復置護羌校尉官漢官儀曰武帝置秩比二千石持節以護西羌王莽亂遂

罷時班彪議宜復其官以理冤結帝從之以牛邯為護羌校尉都於隴西令居縣

十年春正月大司馬吳漢率捕虜將軍王霸等五將

軍擊賈覽於高柳匈奴遣騎救覽諸將與戰卻之修

理長安高廟夏征西大將軍馮異破公孫述將趙匡

於天水斬之征西大將軍馮異薨秋八月己亥幸長

安祠高廟遂有事十一陵戊戌進幸汧縣名屬右扶風故城在今

隴州汧源縣隗囂將高峻降冬十月中郎將來歙等大破

隗純於落門前書曰天水冀縣有落門聚在今渭州隴西縣東南有落門山落門水出焉

其將王元奔蜀純與周宗降隴右平先零羌寇金城

隴西金城郡故城在今簡州廣武縣之西南來歙率諸將擊羌於五谿

大破之續漢志曰隴西襄武縣有五谿聚庚寅車駕還宮是歲省定

襄郡定襄故城在今勝州界徙其民於西河郡名今石州離石縣泗水王

歙薨淄川王終薨

十一年春二月己卯詔曰天地之性人為貴其殺奴

婢不得減罪己酉幸南陽還幸章陵祠園陵城陽王

社薨庚午車駕還宮閏月征南大將軍岑彭率三將

軍與公孫述將田戎任滿戰於荆門大破之獲任滿

威虜將軍馮駿圍田戎於江州縣名屬巴郡今渝州巴縣岑彭遂

率舟師伐公孫述平巴郡夏四月丁卯省大司徒司

直官漢官儀曰武帝置丞相司直元壽二年改丞相為大司徒司直仍舊今省先零羗寇

臨洮縣名屬隴西郡故城在今岷州六月中郎將來歙率揚武將軍

馬成破公孫述將王元環安於下辯縣名屬武都郡今成州同谷縣

舊名武衛城

安遣閬人刺殺中郎將來歙間謀也謂伺帝候間隙也

自將征公孫述秋七月次長安左傳例曰凡師出一宿為舍再宿為信過

次宿為八月岑彭破公孫述將侯丹於黃石即黃石灘也水經注

曰江水自涪陵東出百里而屆于黃石在今涪州涪陵縣輔威將軍臧宮與公孫

述將延岑戰於沈水大破之水經注曰沈水出廣漢縣下入涪水本或作沉

水及沅水者並非王元降至自長安癸亥詔曰敢炙灼奴婢

論如律免所炙灼者為庶民冬十月壬午詔除奴婢

射傷人弃市律公孫述遣閬人刺殺征南大將軍岑

彭馬成平武都因隴西太守馬援擊破先零羗徒致

天水隴西扶風十二月大司馬吳漢率舟師伐公孫述是歲省朔方牧并并州朔方郡在今夏州朔方縣北上并音必政反初

斷州牧自還奏事前書音義曰刺史每歲盡則入奏事京師今斷之哀帝改刺史曰州

牧

十二年春正月大司馬吳漢與公孫述將史興戰於

武陽斬之武陽縣屬犍為郡故城在今眉州隆山縣東也三月癸酉詔隴蜀

民被畧為奴婢自訟者及獄官未報一切免為庶民

夏甘露降南行唐縣名屬常山郡今恒州縣六月黃龍見東阿今濟

州秋七月威虜將軍馮峻拔江州獲田戎九月吳漢

大破公孫述將謝豐于廣都斬之廣都今益州輔威將軍

臧宮拔涪城斬公孫恢涪城今綿州縣也恢述之弟大司空李通

罷冬十一月戊寅吳漢臧宮與公孫述戰於成都大

破之述被創夜死辛巳吳漢屠成都夷述宗族及延

岑等廣雅曰夷猶滅也十二月辛卯揚武將軍馬成行大司

空事是歲九真徼外蠻夷張遊率種人內屬九真今愛州縣

封為歸漢里君省金城郡屬隴西參狼羗寇武都武都

今武州也參音所今反隴西太守馬援討降之詔邊吏力不足

戰則守追虜料敵不拘以逗留法說文曰逗留止也前書音義曰逗是

吳漢為人

曲行避敵也漢法軍行逗留畏懦者斬追虜或近或遠量敵進退不拘以軍法直取勝敵為務也 逗古住

字 橫野大將軍王常薨遣驃騎大將軍杜茂將眾郡

施刑屯北邊施讀曰弛弛解也前書音義曰謂有赦令去其鉗鉞楮衣謂之弛刑 築亭

候亭候伺候望敵之所前書曰秦法十里一亭亭有長漢因之不改 修烽燧前書音義曰邊

方備警急作高土臺臺上作桔臯頭有甕零以薪草置其中常低之有寇即燃火舉之以相告曰烽

又多積薪寇至即燔之望其煙曰燧晝則燔燧夜乃舉烽廣雅曰甕零籠也

十三年春正月庚申大司徒侯霸薨戊子詔曰往年

已敕郡國異味不得有所獻御今猶未止非徒有豫

養導擇之勞豫養謂未至獻時豫前養之導亦擇也 至乃煩擾道上疲

費過所其令太官勿復受續漢志曰太官令一人秩六百石掌御膳飲食 明

敕下以遠方口實所以薦宗廟自如舊制漢官儀曰口實膳羞

之事也 二月遣捕虜將軍馬武屯滹沱河以備匈奴盧

芳自五原亾入匈奴丙辰詔曰長沙王興真定王得

河間王邵中山王茂皆襲爵為王不應經義以其服屬既疏

不當襲爵為王 其以興為臨湘侯臨湘縣今潭州長沙縣 得為真定侯

邵為樂成侯樂成縣故城在今瀛州樂府縣西北 茂為單父侯今宋州縣音善

甫 其宗室及絕國封侯者凡一百三十七人丁巳降

趙王良為趙公太原王章為齊公魯王興為魯公庚

午以殷紹嘉公孔安為宋公周承休公姬常為衛公

省并西京十三國廣平屬鉅鹿真定屬常山河間屬

信都城陽屬琅邪泗水屬廣陵淄川屬高密膠東屬

北海陸安屬廬江廣陽屬上谷據此惟有九國云十三誤也三月

沛郡太守韓歆為大司徒丙子行大司空馬成罷夏

四月大司馬吳漢自蜀還京師於是大饗將士班勞

策勲班布也謂徧布勞來之其有功者以策書紀其勲也勞音力到反功臣增邑更

封凡三百六十五人其外戚恩澤封者四十五人罷

左右將軍官前書曰左右將軍周官也秦漢因之至此罷建威大將軍耿

弇罷益州傳送公孫述瞽師郊廟樂器葆車與輦於

是法物始備瞽無目之人也為樂師取其無所見於音聲審也郊廟之器罇彝之屬也樂器

鐘磬之屬葆車謂上建羽葆也合聚五采羽名為葆輿者車之總名也輦者駕人以行法物謂大駕鹵簿

儀式也時草創未暇今得之始備時兵革既息天下少事文書調役

務從簡寡調謂發也至乃十存一焉甲寅冀州牧竇融為

大司空五月匈奴寇河東秋七月廣漢徼外白馬羗

豪率種人內屬廣漢今益州維縣也徼猶塞也音吉

者為白馬羗九月日南徼外蠻夷獻白雉白兔日南郡屬交州冬

十二月甲寅詔益州民自八年以來被畧為奴婢者

謂公孫述時也皆一切免為庶民或依託為人下妻欲去者

恣聽之敢拘留者比青徐二州以畧人法從事復置

金城郡前年省并隴西

十四年春正月起南宮前殿匈奴遣使奉獻使中郎

將報命中郎將劉襄也夏四月辛巳封孔子後志為褒成侯

平帝封孔均為褒成侯志均子也古今志曰志特為密令越雋人任貴自稱太守

遣使奉計越雋郡武帝置本郡都也雋水名因越雋水而置郡故以名焉計謂人庶名籍若今

計帳今雲州定襄縣也秋九月平城人賈丹殺盧芳將尹由來降平城屬鴈門郡

是歲會稽大疫會稽今越州縣莎車國鄯善國遣

使奉獻莎車鄯善並西域國名鄯音市戰反十二月癸卯詔益涼二州

奴婢自八年以來自訟在所官一切免為庶民賣者

無還直十五年春正月辛丑大司徒韓歆免自殺事見疾丁

未有星孛於昴汝南太守歐陽歙為大司徒建議大

將軍朱祐罷丁未有星孛於營室二月徙鴈門代郡

上谷三郡民置常關居庸關以東前書曰代郡有常山關上谷郡居庸

縣有關時胡寇數犯邊故徙之。劉攽曰據注文及他處盡云常山關正文少一山字初巴蜀

既平大司馬吳漢上書請封皇子不許重奏連歲三

月乃詔羣臣議大司空融固始侯通膠東侯復高密侯禹太常登等奏議曰古者封建諸侯以藩屏京師

藩籬也屏蔽也詩大雅曰介人維藩大邦維屏毛萇注云當用公卿諸侯為藩屏也公羊傳曰京者何大

也師者何衆也天子之居必有衆大之辭言之周封

八百史記曰唐虞協和萬國逮于夏商或數千蓋周封八百也同姓諸姬並為建

國左傳曰虞號焦滑霍楊韓魏皆姬姓也夾輔王室尊事天子享國永

長為後世法故詩云大啟爾宇為周室輔詩魯頌也

成王封周公子伯禽於魯言大開爾居以為我周家之輔高祖聖德光有天下亦

務親親封立兄弟諸子不違舊章陛下德橫天地興

復宗統褒德賞勲親睦九族孔安國注尚書云九族謂上至高祖下至玄孫

功臣宗室咸蒙封爵多受廣地或連屬縣今皇子賴

天能勝衣趨拜陛下恭謙克讓抑而未議羣臣百姓

莫不失望宜因盛夏吉時定號位以廣藩輔禮記月

孟夏迎夏於南郊還乃封諸侯行爵出祿明親親尊宗廟重社稷應古合

舊厭塞衆心臣請大司空上輿地圖廣雅曰輿載也言載在地者皆

圖畫之司空掌土地故令上之太常擇吉日具禮儀制曰可夏四月

戊申以太牢告祠宗廟丁巳使大司空融告廟封皇

子輔為右翊公英為楚公陽為東海公康為濟南公

蒼為東平公延為淮陽公荆為山陽公衡為臨淮公

焉為左翊公京為琅邪公癸丑追謚兄伯升為齊武

公兄仲為魯哀公六月庚午復致屯騎長水射聲三

校尉官七年罷○劉放曰案文致亦當作置說同十四年改青巾左校尉為

越騎校尉詔下州郡檢覈墾田頃畝墾闢也及戶口年

紀又考實二千石長吏阿枉不平者冬十一月甲戌

大司徒歐陽歙下獄死十二月庚午關內侯戴涉為

大司徒盧芳自匈奴入居高柳是歲驃騎大將軍杜

茂免虎牙大將軍蓋延薨

十六年春二月交趾女子徵側反畧有城邑三月辛

丑晦日有蝕之秋九月河南尹張伋及諸郡守十餘

人坐度田不實皆下獄死東觀記曰刺史太守多為詐巧不務實核苟以度田

為名聚人田中并度廬屋里落聚人遮道啼呼郡國大姓及兵長羣盜處處

並起攻劫在所害殺長吏郡縣追討到則解散去復

屯結青徐幽冀四州尤甚冬十月遣使者下郡國聽

羣盜自相糾擿擿猶發也音它狄反五人共斬一人者除其罪

吏雖逗留迴避故縱者皆勿問聽以禽討為效其牧

守令長坐界內盜賊而不收捕者又以畏慙捐城委

守者皆不以爲負委守謂弃其所守也但取獲賊多少爲殿最

殿後也謂課居後也最凡要之首也言課居先也唯蔽匿者乃罪之於是更

相追捕賊竝解散徙其魁帥於它郡賦田受稟使安

生業自是牛馬放牧邑門不閉盧芳遣使乞降十二

月甲辰封芳爲代王初王莽亂後貨幣襍用布帛金

粟是歲始行五銖錢武帝始爲五銖錢王莽時廢今始行之

十七年春正月趙公良薨二月乙亥晦日有蝕之東觀

記曰上以日食避正殿讀圖識多御座廡下淺露中風發疾苦眩甚左右有白大司馬吏病苦如此不能動推自強從公出乘以車行數里病差四月二日車駕宿偃師病差數日入南陽界到葉以車騎省留數

日行黎陽兵馬千餘匹夏四月乙卯南巡狩皇太子

遂到章陵起車平愈及右翊公輔楚公英東海公陽濟南公康東平公蒼

從幸潁川進幸葉章陵葉縣故楚葉公邑屬南郡今許州縣也葉音式涉反五

月乙卯車駕還宮六月癸巳臨淮公衡薨秋七月妖

巫李廣等羣起據皖城縣名屬廬江郡故城在今舒州有皖水音下板反遣

虎賁中郎將馬援驃騎將軍段志討之九月破皖城

斬李廣等冬十月辛巳廢皇后郭氏爲中山太后立

貴人陰氏爲皇后進右翊公輔爲中山王食常山郡

本恒山郡避文帝諱改爲常山故城在今趙州元氏縣西其餘九國公皆卽舊封

進爵為王甲申幸章陵修園廟祠舊宅觀田廬置酒
 作樂賞賜時宗室諸母因酣悅相與語曰文叔少時
 謹信與人不款曲唯直柔耳今乃能如此帝聞之大
 笑曰吾理天下亦欲以柔道行之乃悉為春陵宗室
 起祠堂有五鳳凰見於潁川之邾縣邾今汝州邾城縣也東觀記曰
鳳高八尺五彩羣鳥並從行列蓋地數頃停一十七日十二月至自章陵是歲
 莎車國遣使貢獻

十八年春二月蜀郡守將史歆叛遣大司馬吳漢率
 二將軍討之圍成都甲寅西巡狩幸長安三月壬午

祠高廟遂有事十一陵歷馮翊界進幸蒲坂祠后土

漢官儀曰祭地於河東汾陰后土宮宮曲入河古之祭地澤中方丘也以夏至日祭其禮儀如祭天蒲坂縣屬河東郡后土祠在今蒲州汾陰縣西北夏四月甲戌車駕還宮癸酉

詔曰今邊郡盜穀五十斛罪至於死開殘吏妄殺之路其蠲除此法同之內郡遣伏波將軍馬援率樓船將軍段志等擊交阯賊徵側等戊申幸河內戊子至自河內五月旱盧芳復亡入匈奴秋七月吳漢拔成都斬史歆等壬戌赦益州所部殊死已下冬十月庚辰幸宜城縣屬南郡楚之鄢邑也故城在今襄州率道縣南還祠章陵十二

月乙丑車駕還宮是歲罷州牧置刺史

武帝元封五年初置部刺史

史掌奉詔條察州秩六百石員十三人成帝綏和元年更名牧秩二千石哀帝建平二年復為刺史元壽二年復為牧經王莽變革至建武元年復置牧今改置刺史

十九年春正月庚子追尊孝宣皇帝曰中宗始祠昭

帝元帝於太廟

漢官儀曰光武第雖十二於父子之次於成帝為兄弟於哀帝為諸父於

平帝為祖父皆不可為之後上至元帝於光武為父故上繼元帝而為九代故河圖云赤九會昌謂光武也然則宣帝為曾祖故追尊及祠之○劉敞曰成帝

哀帝平帝於長安春陵節侯以下四世於章陵妖巫

單臣傅鎮等反據原武太中大夫臧宮圍之夏四月

拔原武斬臣鎮等伏波將軍馬援破交阯斬徵側等

因擊破九真賊都陽等降之閏月戊申進趙齊魯三

國公爵為王六月戊申詔曰春秋之義立子以貴公

傳曰立嫡以長不以賢立子以貴不以長桓公何以貴母貴也母貴則子貴子以母貴母以子賢○劉敞曰注母貴則子貴案公羊本文當云母貴則子何以貴此少何以二字東海王陽皇后

之子宜承大統皇太子彊崇執謙退願備藩國父子

之情重久違之其以彊為東海王立陽為皇太子改

名莊秋九月南巡狩壬申幸南陽進幸汝南南頓縣

舍置酒會賜吏人復南頓田租歲劉敞曰案文不見歲數明少一字近

下二十年復濟陽六歲顯宗復元氏六歲則此當初復五歲增一歲則六歲與後事同矣是漏五字也

父老前叩頭言皇考居此日久陛下識知寺舍蔡邕獨斷

曰陛階陛也與天子言不敢指斥故云陛下風俗通曰寺司也諸官府所止皆曰寺光武常從皇考至南

頓故識知每來輒加厚恩願賜復十年帝曰天下重

器常恐不任日復一日安敢遠期十歲乎吏人又言

陛下實憐之何言謙也帝大笑復增一歲進幸淮陽

梁沛西南夷寇益州郡常據華陽國志云武帝元封二年叟夷反將軍郭昌討平

之因開為益州郡故城在今昆州晉寧縣是也遣武威將軍劉尚討之越雋

太守任貴謀叛十二月劉尚襲貴誅之是歲復致函

谷關都尉九年省今復置○劉攽曰正文致亦當作置此注中亦自作置也修西京

宮室大如文冬十月營於武津軍出塞擊焉

二十年春二月戊子車駕還宮夏四月庚辰大司徒

戴涉下獄古今注曰坐入故太倉令奚涉罪大司空竇融免五月

辛亥大司馬吳漢薨匈奴寇上黨天水遂至扶風六

月庚寅廣漢太守蔡茂為大司徒太僕朱浮為大司

空壬辰左中郎將劉隆為驃騎將軍行大司馬事武帝

省太尉置大司馬將軍成帝賜金印紫綬置官屬祿比丞相哀帝去將軍位在司徒上見前書乙未

徙中山王輔為沛王秋東夷韓國人率眾請樂浪內

附東夷有展韓下韓馬韓謂之三韓國也冬十月東巡狩甲午幸魯進

幸東海楚沛國十二月匈奴寇天水壬寅車駕還宮

是歲省五原郡徙其吏人置河東復濟陽縣徃役六

歲大黃歲

二十一年春正月武威將軍劉尚破益州夷平之夏

四月安定屬國胡叛屯聚青山青山在今慶州烏嶺縣西北遣將

兵長史陳訢討平之訢音欣秋鮮卑寇遼東遼東太守

祭彤大破之冬十月遣伏波將軍馬援出塞擊烏桓

不尅匈奴寇上谷中山其冬鄯善王車師王等十六

國皆遣子入侍奉獻願請都護都護宣帝置始以鄯

都總也言總護南北道居烏壘城帝以中國初定未

遑外事乃還其侍子厚加賞賜

二十二年春閏月丙戌幸長安祠高廟遂有事十一

陵二月己巳至自長安夏五月乙未晦日有蝕之秋

七月司隸校尉蘇鄴下獄死九月戊辰地震裂制詔

日劉敞曰案史無有書制詔日者唯下三公及它官

詔有云制詔某官史亦不著曰字明此多一制字也說者云武后諱詔會改此

日者地震南陽尤甚夫地者任物至重靜而不動者也而今震裂咎在君上

鬼神不順無德災殃將及吏人朕甚懼焉其令南陽

勿輸今年田租芻藁遣謁者案行其死罪繫囚在戊

辰以前減死罪一等徒皆弛解鉗衣絲絮弛解脫也倉頡篇曰

鉗鉗也音奇炎反前書音義曰鉗足鉗也音徒計反又太蓋反舊法在徒役者不得衣絲絮今赦許之

賜郡中居人壓死者棺錢人三千其口賦逋稅而廬

宅尤破壞者勿收責漢儀注曰人年十五至五十六出賦錢人百二十為一筭又七

歲至十四歲出口錢人二十以供天子至武帝時又口加三錢以補車騎馬逋稅謂欠田租也吏人

死或在壞垣毀屋之下而家羸弱不能收拾者以

見錢穀取傭為尋求之冬十月壬子大司空朱浮免

癸丑光祿勳杜林為大司空是歲齊王章薨青州蝗

匈奴奠韃日逐王比奠音於六反韃音紀言反比其名也遣使詣漁陽

請和親使中郎將李茂報命烏桓擊破匈奴匈奴北

徙幕南地空前書音義曰沙土詔罷諸邊郡亭侯吏

卒前書音義曰沙土

二十三年春正月南郡蠻叛遣武威將軍劉尚討破

之徙其種人於江夏郡名故城在今安州雲夢縣東南夏五月丁卯

大司徒蔡茂薨秋八月丙戌大司空杜林薨九月辛

未陳留太守王况為大司徒况字文伯京兆人王音肅冬十月丙

申太僕張純為大司空高句驪率種人詣樂浪內屬

十二月武陵蠻叛寇掠郡縣遣劉尚討之戰於沅水

武陵郡今朗州也沅水名出牂柯東北過臨沅縣至長沙入洞庭湖尚軍敗歿是歲匈

奴奠韃日逐王比率部曲遣使詣西河內附

二十四年春正月乙亥大赦天下匈奴奠韃日逐王

比遣使款五原塞求扞禦北虜秋七月武陵蠻寇臨

沅縣名屬武陵郡故城在今朗州武陵縣遣謁者李嵩中山太守馬成

討蠻不尅於是伏波將軍馬援率四將軍討之詔有

司申明舊制阿附蕃王法武帝時有淮南衡山之謀作左官之律設附益之法

前書音義曰人道尚右言捨天子仕諸侯為左官左僻也阿曲附益王侯者將有重法是為舊制今更申

明冬十月匈奴奠韃日逐王比自立為南單于於是

分為南北匈奴

二十五年春正月遼東徼外貊人貊人穢貊國人也貊音陌寇右

北平漁陽上谷太原遼東太守祭彤招降之烏桓大

人來朝烏桓謂渠帥也南單于遣使詣闕貢獻奉蕃稱臣又

遣其左賢王擊破北匈奴却地千餘里三月南單于

遣子入侍戊申晦日有食之伏波將軍馬援等破武

陵蠻於臨沅冬十月叛蠻悉降夫餘王遣使奉獻夫餘

國在海東去玄菟千餘里是歲烏桓大人率衆內屬詣闕朝貢

二十六年春正月詔有司增百官奉續漢志曰大將軍三公奉月三百

百五十斛秩中二千石奉月百八十斛二千石月百

二十斛比二千石月百斛千石月八十斛六百石月

七十斛比六百石月五十五斛四百石月五十斛比

四百石月四十五斛三百石月四十斛比三百石月

三十七斛二百石月三十斛比二百石月二十七斛

百石月十六斛斛食月十一斛佐史月八斛凡諸受

奉錢穀各半其千石已上減於西京舊制六百石已

下增於舊秩初作壽陵初作陵未有名故號壽陵蓋取久長之義也漢帝自文以後皆預作陵今循舊制也將作大匠竇融上言園陵廣袤無慮所

用前書曰將作少府秦官掌宮室景帝改爲大匠秩二千石說文曰南北曰表東西曰廣廣雅曰無慮

器木車茅馬禮記塗車芻靈自古有之鄭玄注云芻靈束茅爲人馬也使後世之

人不知其處太宗識終始之義景帝能述遵孝道遭

天下反覆而霸陵獨完受其福豈不美哉謂赤眉入長安惟霸陵不令所制地不過二三頃無爲山陵陂池裁令流

水而已言不起山陵裁令封土陂池不停水而已陂音普何反池音徒何反遣中郎將

段郴授南單于璽綬令入居雲中郡名在今勝州北郴音丑林反始

置使匈奴中郎將將兵衛護之中郎將即段郴也漢官儀曰使匈奴中郎南單于遣子入侍奉奏詣闕於是雲中五

將屯西河美稷縣也

後漢書卷三十一 光武皇帝紀

三

原朔方北地定襄鴈門上谷代八郡民歸於本土遣

謁者分將施刑補理城郭施與弛同發遣邊民在中

國者布還諸縣皆賜以裝錢轉輸給食東觀記曰時城郭丘墟掃

地更為上

悔前徒之

二十七年夏四月戊午大司徒王况薨五月丁丑詔

曰昔契作司徒禹作司空皆無大名其令二府去大

朱祐奏宜令三公並去大名以法經典帝從其議又改大司馬為太尉驃騎

大將軍行大司馬劉隆即日罷劉攽曰案二漢稱行者皆云行某官事不

為司徒益州郡徼外蠻夷率種人內屬北匈奴遣使

詣武威乞和親武威郡故城在今涼州姑臧縣西北故涼城是也冬魯王興

齊王石始就國

二十八年春正月己巳徙魯王興為北海王以魯國

益東海賜東海王彊虎賁旄頭鍾虞之樂漢官儀曰

百人戴鶡尾屬虎賁中郎將又云舊選羽林為旄頭

被髮先駟魏文帝列異傳曰秦文公時梓樹化為牛

以騎擊之騎不勝或墮地鬻解被髮牛畏之入水故

秦因是置旄頭騎使先駟爾雅曰木謂之虞所以懸

鐘磬也說文曰夏六月丁卯沛太后郭氏薨因詔郡

縣捕王侯賓客坐死者數千人時更始子鯉因沛獻

王輔殺劉盆子兄恭

後漢書卷三十一 光武皇帝紀

故王侯賓客多坐死賓秋八月戊寅東海王彊沛王輔楚王英濟

南王康淮陽王延始就國冬十月癸酉詔死罪繫囚

皆一切募下蠶室蠶室宮刑獄名有刑者畏風須暖作室蓄火如蠶室因以名焉

一禁反見前書音義其女子宮謂幽閉也北匈奴遣使貢獻乞和親

二十九年春二月丁巳朔日有食之遣使者舉冤獄

出繫囚庚申賜天下男子爵人二級鰥寡孤獨篤癘

貧不能自存者粟人五斛夏四月乙丑詔令天下繫

囚自殊死已下及徒各減本罪一等其餘贖罪輸作

各有差

三十年春正月鮮卑大人內屬朝賀二月東巡狩甲

子幸魯進幸濟南閏月癸丑車駕還宮有星孛於紫

宮夏四月戊子徙左翊王焉為中山王五月大水賜

天下男子爵人二級鰥寡孤獨篤癘貧不能自存者

粟人五斛秋七月丁酉幸魯國劉攽曰案他處皆不言國明此多一字

復濟陽縣是年徭役冬十一月丁酉至自魯

三十一年夏五月大水戊辰賜天下男子爵人二級

鰥寡孤獨篤癘貧不能自存者粟人六斛癸酉晦日

有食之是夏蝗秋九月甲辰詔令死罪繫囚皆一切

募下蠶室其女子宮是歲陳留兩穀形如稗實

杜預注左

傳云稗草之似穀者音蒲解反北匈奴遣使奉獻

中元元年春正月東海王彊沛王輔楚王英濟南王

康淮陽王延趙王盱皆來盱音况于反丁卯東巡狩二月

己卯幸魯進幸太山北海王興齊王石朝于東嶽辛

卯柴望岱宗登封太山甲午禪于梁父岱宗太山也梁父太山下

小山也封謂聚土為壇墀謂除地而祭改墀為禪神之也續漢志曰時上御輦升山即位於壇南北面尚書令奉三牒檢皇帝以寸三分璽親封之藏玉牒已以石覆訖尚書令以五寸印封石檢畢皇帝再拜禪祭地于梁陰以高后配山川羣神從祀焉其玉牒文祕刻石文辭多不載三月戊辰司空

張純薨夏四月癸酉車駕還宮己卯大赦天下復

博梁父奉高四縣屬太山郡故城在今兗州博城縣界勿出今年田租芻

藁改年為中元行幸長安戊子祀長陵五月乙丑至

自長安六月辛卯太僕馮魴為司空乙未司徒馮勤

薨是夏京師醴泉湧出尚書中經曰俊又飲之者痼疾皆愈惟眇蹇者不瘳又有赤草生於水崖

赤草朱草也戴禮曰朱草日生一葉至十五日已後日落一葉周而復始郡國頻上甘露羣臣

奏言地祇靈應而朱草萌生孝經援神契曰德至草木即朱草生孝宣

帝每有嘉瑞輒以改元神爵五鳳甘露黃龍列為年

後漢書卷之二十一 光武皇帝紀 三四

紀蓋以感致神祇表彰德信是以化致升平稱為中

興今天下清寧靈物仍降陛下情存損挹推而不居

豈可使祥符顯慶歿而無聞宜令太史撰集太史史官之長

也前書音義曰太史公武帝置位在丞相之上以傳來世帝不納常自謙無

德每郡國所上輒抑而不當故史官罕得記焉秋郡

國三蝗冬十月辛未司隸校尉東萊李訢為司徒甲

申使司空告祠高廟曰高皇帝與羣臣約非劉氏不

王呂太后賊害三趙謂高帝子趙幽王友趙恭王恢趙隱王如意專王呂

氏賴社稷之靈祿產伏誅呂產呂祿並呂后兄弟子呂后崩各擁南北軍欲為

亂周勃陳平等擒之天命幾墜危朝更安呂太后不宜配食高

廟同祧至尊薄太后母德慈仁薄太后高帝姬孝文

皇帝賢明臨國子孫賴福延祚至今其上薄太后尊

號曰高皇后配食地祇遷呂太后廟主于園四時上

祭園謂塋域也於中置寢十一月甲子晦日有食之是歲初起

明堂靈臺辟雍及北郊兆域大戴禮云明堂者凡九室一室有四戶八牖三

十六戶七十二牖以茅蓋上上員下方赤綴戶也白綴牖也禮圖又曰建武三十二年作明堂上員下方

十二堂法日辰九室法九州室八窻八九七十二法一時之王室有十二戶法陰陽之數胡伯始云古清

廟蓋以茅今蓋以瓦下藉茅存古制也漢官儀曰明堂四面起土作塹上作橋塹中無水明堂去平城門

二里所天子出從平城門先歷明堂乃至郊祀又曰
 辟雍去明堂三百步車駕臨辟雍從北門入三月九
 月皆於中行鄉射禮辟雍以水周其外以節觀者諸
 侯曰泮宮東西南南有水北無下天子也漢宮閣疏曰
 靈臺高三丈十二門天子曰靈臺諸侯曰觀臺漢官
 儀北郊壇在城西北角去城一里所謂方壇四陛但
 存壇祠舍而已其鼓吹樂及舞人御帳皆從南郊之
 具地祇位南面西上高皇后配西面皆在壇上地理
 羣神從食壇下南郊焚犢北郊埋犢
 宣布圖讖於天下復濟陽南頓是
 年徭役參狼羗寇武都敗郡兵隴西太守劉盱遣軍
 救之及武都郡兵討叛羗皆破之

二年春正月辛未初立北郊祀后土東夷倭奴國王

遣使奉獻倭在帶方東南大海中依山島為國二月戊戌帝崩於南宮

前殿年六十二伏侯古今注曰是歲在丁巳遺詔曰朕無益百姓

皆如孝文皇帝制度務從約省文帝葬皆以瓦器不以金銀銅錫為飾因

其山不起墳刺史二千石長吏皆無離城郭無遣吏及因

郵奏說文曰郵境上行書舍也初帝在兵間久厭武事且知天下

疲耗思樂息肩左傳曰息肩于晉自隴蜀平後非倣急未嘗

復言軍旅皇太子嘗問攻戰之事帝曰昔衛靈公問

陳孔子不對此非爾所及論語衛靈公問陳於孔子子曰俎豆之事則嘗聞之

矣軍旅之事未之學也每旦視朝日側乃罷數引公卿郎將講

論經理夜分乃寐分猶半也皇太子見帝勤勞不息承間

諫曰陛下有禹湯之明而失黃老養性之福黃帝老子願

頤愛精神優游自寧帝曰我自樂此不為疲也雖身

濟大業兢兢如不及故能明慎政體總攬權綱量時

度力舉無過事退功臣而進文吏戢弓矢而散馬牛

雖道未方古斯亦止戈之武焉左傳曰於文止戈為武也

論曰皇考南頓君初為濟陽令以建平元年十二月

甲子夜生光武於縣舍蔡邕光武碑文云光武將生皇考以令舍不顯開宮後殿

居之而生有赤光照室中東觀記曰光照室中盡明如晝欽異焉使卜者

王長占之長辟左右辟音頻亦反曰此兆吉不可言是歲

縣界有嘉禾生一莖九穗因名光武曰秀明年方士

有夏賀良者上言哀帝云漢家歷運中衰當再受命

於是改號為太初元年稱陳聖劉太平皇帝以厭勝

之及王莽篡位忌惡劉氏以錢文有金刀故改為貨

泉或以貨泉字文為白水真人後聖氣者蘇伯阿為

王莽使至南陽遥望見春陵郭喈曰喈歎也音子夜反氣佳

哉鬱鬱蔥蔥然及始起兵還春陵遠望舍南火光赫

然屬天有頃不見初道士西門君惠李守等亦云劉

秀當為天子其王者受命信有符乎不然何以乘時

龍而御天哉易曰時乘六龍以御天

贊曰炎正中微大盜移國漢以火德王故曰炎正大盜謂王莽篡位也莊子曰

田成子一日殺齊君而盜其國向九縣颯回三精霧所謂智者不反為大盜積者乎

塞九縣九州也颯回謂亂也三精日月星也霧塞言昏昧也精或為象人厭淫詐神思

反德光武誕命靈貺自甄誕大也書曰誕膺天命甄明也靈貺謂佳氣神光之

類沈幾先物浚畧緯文幾者動之微也物事也沈浚之幾先見於事也謚法經緯

也尋邑百萬貔虎為羣貔執夷虎屬也書曰如長

輶雷野高鋒彗雲長輶兵車雷野言其聲盛淮南子曰雷以為車輿彗掃也音詳銳反

英威既振新都自焚王莽初封為新都侯史記曰周武王伐紂紂衣其實玉自焚而

死莽雖被殺滅亡與紂同故假以言之虔劉庸代紛紜梁趙虔劉皆殺也左傳曰

代郡也紛紜喻亂也梁謂劉永趙謂王郎也三河未

澄四關重擾三河河南河北河東也未澄謂朱鮪等

之國重擾謂更始已定關中劉盆子入關殺更始發掘諸陵也神旌乃顧遮行天討

周禮曰析羽為旌稱神者猶言神兵神箕也詩云乃眷西顧書云天討有罪也金湯失險車

書其道前書曰金城湯池不可攻矣金以喻堅湯取其熱光武所擊皆失其險固也禮記曰天下

車同軌靈慶既啓人謀咸贊靈慶謂符讖也左傳曰

勸即尊號也易曰人謀鬼謀百姓與能贊助也明明廟謨赳赳雄斷詩曰明明天子


淮南子曰運籌於廟堂之上於赫有命系隆我漢

歎美之詞音鳥詩云
有命既集系猶繫也

四十三年七月三十一日庚午

登

升階也 餘絲解 擗也 采階 隆承 鼓階 王頌也
亥隆 升 餘絲 采 階 也 三 何 未
絲 同 效 難 妹 難 難 子 與 亥 隆 升 餘 絲 采 階 也 三 何 未
亥 隆 升 餘 絲 采 階 也 三 何 未



人
R
02